

L'HISTOIRE  
DE LA CONQVESTE.  
DES PAYS DE BRESSE ET  
DE SAVOYE, PAR LE ROY  
Tres-Chrestien.

*A Monseigneur de ROSNY.*

Par le S<sup>r</sup>. DE LA PO-  
PELLINIERE.



BIBLIOTECA NAZ.  
ROMA  
VITTORIO EMANUELE.

A PARIS,  
Par CLAVDE DE MONSTR'OEIL,  
& JEAN RICHER.

1601.

*Avec Privilege du Roy.*





A TRES-ILLVSTRE ET  
VALEVREUX , MAXIMI-  
LIAN DE BETHVNE, BARON  
de Rosny, Conseiller du Roy  
en ses Conseils Priué & d'Estat,  
Capitaine de cinquante hom-  
mes d'armes de ses ordonnan-  
ces, Grand Maistre de l'Artille-  
rie, Grand Voyer, & Sur-inten-  
dant aux Finances & fortifica-  
tions du Royaume.

**M**ONSEIGNEUR,

*Recognoissant l'obligation que  
vous avez sur moy, telle que mon de-  
voir ne me peut pousser, qu'à une deuë  
recognoissance d'icelle : J'ay pensé, que*

## EPISTRE.

pour vous asseuer, que i'ay veu, leu & entendu plus que practiqué les effects de l'ingratitude: ie vous deuois offrir le Discours, des plus notables accidens, que i'auois remarqué au cours de la guerre de Sauoye. Vostre affection à l'histoire, le plus loüable exercice des Grands, m'a esté l'autre motif, à le vous presenter. Et aussi, que vous pourrez porter d'autant plus fidelle tesmoignage à la verité: qu'avec l'honneur & reputation, vous auez acquis l'amitié de tous, & diuerses charges que vous y auez heureusement executé. Merite, que ie ne puis, que ie ne dois, & ne veux taire, ny desguiser. Car on sçait, que le but de l'histoire est de profiter, non de plaire seulement. Ce qu'on ne peut mieux faire, qu'à au recit des beaux effects de la vertu. Et n'y a gueres moins de faute à les celer, qu'à leur donner autre couleur que la naturelle. Si que l'historien, doit fuyr la flatterie, autant que se plaire, de mettre la vertu en son iour. Et

## EPISTRE.

ores qu'aucuns en voulussent calomnier le reçoit: ne s'en estonnera toutesfois, non plus que le Medecin aux plaintes & iniures mesmes du patient. Ains continuant à bien faire, parera contre telles & autres indiscretions, d'une integrité de vie & rondeur de conscience en tous les narrez d'icelle. Je vous offre doncques partie de la suite de l'histoire Françoisse. Laquelle, verra la lumiere quand il vous plaira, & à sa Maiesté (qui me la commandé,) faire tirer les rideaux de l'ignorance, sur les deux coëssins de laquelle, on l'a iusques icy, laissé trop paresseusement dormir.

Vostre tres-humble & tres-  
affectionné seruiteur,

POPELLINIERE.

THE UNIVERSITY OF CHICAGO  
LIBRARY  
CHICAGO, ILL.



AV LECTEUR.

**E** O V T homme, pour si peu instruit & aduisé qu'il soit : dressera ses actions, tant au bien de son particulier, que du public. Occasion, qu'outre l'obligation particuliere, qui me chargeoit de recognoistre quelques faueurs: la consideration du plaisir & profit, que j'ay sçeu pouuoir apporter à nos François, par le Discours d'un si nouveau & tant notable subject: m'a esté le second motif, à l'exposer en veuë d'un chacun. M'assurant, que rien ne sçauroit estre plus fauorablement receu, que ce qui, pour sa nouveauté & diuersité peut plaire. Et tant pour la qualité que consequence de si notables actions, peut profiter à toutes sortes de personnes. Non que ie me vueille estendre à surhausser le merite de l'Histoire. Ce seroit esclaire au Soleil en plain midy. Je dis seulement, que comme il n'y a vacation, à

recommāder laquelle, tant de personnes voire des plus segnaleez se soiēt emploiez: aussi ne paroist entre les choses humaines, action aucune, de laquelle tout hōme puisse tirer plus de profit & contentement que d'un beau Discours historial. Et bien, que se soit chose plus aisée à concevoir & mesme à desirer, qu'à l'effectuër & enrichir de toutes ses graces: les plus genereux toutesfois, raportans si hautes & penibles conceptions, à la foiblesse de la nature humaine: n'en rejettent les essais, pour esloigner qu'ils les voyent de leur perfection. Lors mesmement, que y apportant chacun, ce qu'il peut: on tâche d'en approcher au plus pres, pour le plaisir & profit notamment de ceux, qui en jugent: plus que de ceux, lesquels on y voit travailler à perte d'haleine. Et en terre si ingrate, que s'ils n'estoient pourueuz d'un plus temperé naturel que le vulgaire, ils aimeroiēt beaucoup mieux, se recommander, par le merite d'un autre labeur. Ou demeurer oyisifs pour le publicq: que de tant pener en si maigre travail. Mais comme le Genereux, ne mit iamais le profit pour but de ses actions: qu'il laisse à l'intēperie des plus grosses humeurs:

ainsi



## A V LECTEUR.

Ainsi les belles ames, nées au contentement  
 de leurs semblables, prendront plaisir en  
 tous exercices qui pourront profiter aux  
 uns d'honneur : tel notamment que ce-  
 luy des histoires. De toutes lesquelles la  
 plus profitable voire plus nécessaire, bien  
 que moins gracieuse, voire ingrate & mal  
 reçue, est celle du present. Par ce que cō-  
 me la veüe nous affecte plus que l'ouïe:  
 aussi nos passions, s'arrestent plus à ce que  
 nous voyons & sentons de corps, qu'à ce  
 que nous entendons d'ailleurs & qui ne  
 comprend que par esprit. C'est pour-  
 quoy, les exemples des vices & vertus, de  
 pres & loins, avec lesquels nous conuersons pre-  
 sentement ou absens qu'ils soient, nous meu-  
 vent estrangement: selon les differens re-  
 spects que nous leur portons, & que nous  
 nous en sommes diuersement interessez aux pa-  
 rties & actiōs y représentées. Mais prin-  
 cipalement, pour la haine ou amitié, que  
 nous deuons naturellement au bien & au  
 mal: à l'honneur & deshonneur: au vice  
 & à la vertu. Les differēs effects  
 de lesquelles, nous passionnent & violent  
 d'autant plus, qu'outre nostre parti-  
 culier, nous y voyons le repos & aduan-  
 ce de l'Estat, en danger d'y estre blecé.

*L'histoire de  
present.*

Mais sur tous les affectionnez à l'histoire, ceux lesquels y recognoissent leur beaux ou laids propos, leurs louïables ou villaines actions: y sont si fort passionnez: qu'il n'y a si rude bride, ne si piquant eguillon, qui puisse si court arrester, ne si viuement eschauffer nos passions, que le plaisir ou l'ennuy que nous prenōs, au recit publicq de ce que nous ou les nostres y auōs bien ou mal fait. Et qui est le Seigneur, l'officier ny autre, s'il n'est du tout desesperé, ennemy iuré de la societé humaine, & tant de corps que d'ame, vouë aux infinies miseres eternelles: qui lisant le vilain blasme de sa trahison, ou de l'vn des siens vers son Prince, ou repos de l'Estat, ne gemisse encores d'auantage, que ne fit ce cruel Neuron au narré de ses meschancetez? Et ce tant pour l'ennuy de son particulier, que pour le respect de ses enfans, de sa famille & race entiere, qu'il voit priuée de tout honneur, de tous biens & aduantages de ce monde, au seul souuenir de si detestables actions? Et au rebours, qui ne volera d'aïse & de contentement incroyable, lisant ou bien entendant, le recit de ses beaux effects? ou de quelqu'vn des siens, qui s'est vouë pour le seruice du public?

AV LECTEUR.

Qui s'est fait signaler par si loüables portemens, pour le bien des siens & de la re-  
publique? qui ne desirera en faire autant,  
voire d'avantage, pour surmonter de me-  
rite, d'amitié, & de reputation tous ses de-  
vanciers? Bref l'excellence de si belle hi-  
stoire: & par consequent ce rare deuoir  
d'historien, tant loüé, assez cogneu, & si  
mal praticqué, aujourdhuy mésmement,  
est occasion au mieux aduisez des anciës,  
de dire, que comme la meilleure police  
des plus beaux Estats qui furent oncques,  
est de la bonne nourriture & droicte in-  
struction de la ieunesse, aussi ne pouuoit  
elle à leur aduis, estre mieux enseignée  
que par l'histoire. En ce que portant les  
maximes des plus grands Philosophes, avec  
les maximes des plus aduisez politiques,  
elle propose comme vn clair miroüier,  
entre ces autrement vains discours de Po-  
etice & Philosophie, les beaux exemples  
du vice & de la vertu, que du naturel  
suffisance de tous humains. Miroüier de  
si efficace, que le retour ou reuerbera-  
tion de si beaux exemples, eschaufe &  
solente d'autât mieux nos esprits, qu'ou-  
tre l'affection qu'on porte d'ordinaire à  
l'action plus qu'à la parole: on la croit

*Instruction  
de la ieunesse.*

mieux, on si assure plus. Et par ainsi nos sens s'accoustument à les suivre & imiter: puis à les tourner peu à peu en habitude, & en fin convertir en naturel, pour les effectuer à l'advantage de nostre particulier & du public quand il est besoing. Je n'entrés de ces histoires esrenées, aussi froides & muettes que corps sans ame. Qui ne se peuvent que laschement trainer, voire estouffer le merite des beaux effects de ceux, desquels elles voulēt discourir. Ains de celles, qui les peuvent faire voler au Temple de l'eternité des plus heureux esprits. L'une desquelles, mesme ce grand Alexandre, (le plus digne patron que toute l'antiquité aye proposé pour exemple de vraye grandeur) choisit pour les occasions susdites, entre infinies de son temps. Desquelles la plus part se recomman- doient autant & aucunes plus, qu'elles ne l'honoroiēt par le trop simple recit de ses valeurs. Car persuadé par les plus iudicieux de ses Conseillers, que la beauté de ses actions, ne pouvoit estre dignemēt representée, que par la plume qui feust de merite egal à sa vertu: ordonna par Edit public & general, que toutes prissent autre subject que ses actions: affin, que

*Alexandre le Grand descend à tout historien de narrer ses actions fors à un seul & pourquoy.*

AV LECTEUR.

lle seule, feust tenuë pour exquise & cherchee trompette de ses inimitables vertus. C'est qu'il iugeoit, que faute d'intention & de beaux termes à les bien exprimer: ils sembloiēt les amoindrir plus de dignemēt représenter. Du moins, neournissant à l'attente de ceux, qui n'en oient rien conçu. que grand, voire extraordinaire: se retiroient de si froide lecture, avec beaucoup moindre opinion celles qu'ils n'y estoiēt entrez. Conforément au commun dire; non seulement il vaut mieux se taire que mal parler: mais aussi, que n'en parler assez dignemēt. Comme font ceux, qui jacent sous le me de ce, à quoy ils prejudiciēt plus qu'ils sçauroient profiter. Ces graues anciēns, consideroient bien, que l'histoire estoit le grand miroüer de tous les hommes de ce monde, voire du monde mesme. Qui ne dresse des actions, plus que des desseins, & des propos & deuis des humains: comme il y a chose qui puisse mieux exprimer le naturel de l'hōme, que sa parole mesme. Ce qui me les a fait mesler par fois en mon Discours. Affin que le raport des paro- laux actions, vous fist mieux entendre les causes, progres & diuers euenemens

*Histoire est  
dresse tant  
des actions  
que des deuis  
Et propos  
des humains.*

des plus notables actions y mentionnées. L'autre occasion qui m'a poussé à l'editiō de cēt ouurage, est la consideration que le bien & hōneur de la France, me sembloit interessé, au retardement de la cognoissance des choses notables qui se sont passées en ce temps. Desquels aucun de tant beaux esprits, n'a encor fait voir ses conceptiōs iusques icy. Car comme les vrais liens d'un estat bien policé, & propre ciment, duquel est assuré le bastiment d'iceluy, sont la recognoissance & punition du vice & de la vertu: aussi doiuent elles estre proposées, comme dignes aduertissemens & assurez exemples à tous les sujets d'iceluy. Ce qu'on ne peut mieux ne si bien faire, que par le fidelle narré d'une graue histoire. En laquelle on les puisse voir hault esleuez, pour retarder les vns du mal, inciter les autres au bien, & les encourager tous à leur deuoir. Cōme ils feront, s'ils les treuent dignement représentéz, au beau miroüer de tant de vertus que tous attendēt: & bien que plusieurs y trauaillent, aucuns mesmes si fassent renōmer, vn seul toutesfois ne fournist à l'esperāce des plus iudicieux. Ce qui m'a souuent sollicité, & en fin persuadé, d'y

# AV- LECTEUR.

e mon deuoir: communicant à tous,  
 que i'en auois descouuert. Affin qu'y  
 ositant à ceux de ma nation, ie peüsse  
 mesme main, faire chose agreable aux  
 angers: l'exposant en veuë à tous, cō-  
 matiere de merite. Et à ceux mesme-  
 nt qui en escriroient quelque chose,  
 nme ie sçay que nombre d'eux y tra-  
 lent. Crainte qu'aux despens & pre-  
 ice des François, ils donnassent à leurs  
 oires, autre sujet que veritable, sur les  
 s qui se sont demenées par les sub-  
 de la fleur Lys. De fait, aucuns Alle-  
 ns & Italiens, qui de passion, qui d'i-  
 rance, qui de trop indiscrete curiosi-  
 n ont jà trop barbouillé en Latin &  
 ien: au desauantage de ceux qu'ils y de-  
 ent plus honorer, & à la louange des  
 à blasmer. Si le bien & le mal estoiet  
 i tost recognus qu'effectuez: il y au-  
 , non seulement plus de gens d'hon-  
 r & moins de vicieux: Mais aussi plus  
 ignes trompettes, pour entonner les  
 es actiōs de ceux, qui se font les mieux  
 alez entre les humains. Et par conse-  
 nt, peu ou du tout point de plumes  
 es, qui faute de meilleures sont re-  
 es, creües & trop suiuiies par le vulgaire

éceruelé. Qui se plaist, s'est tousiours pleu,  
 & se plaira pour iamais à ce qui luy est inu-  
 tile & dōmageable, plustost qu'à ce qu'on  
 luy pourroit proposer pour aduātageux.  
 Mais puis, qu'il ne fut iamais autrement  
 qu'un particulier, ne donna iamais loy à  
 tant de testes si bigerres: & qu'au cercle  
 ancien de ceste varieté infinie si l'on ne  
 doit desespérer du bien, ains seulement  
 attendre un fort diuers changement de  
 desirs & accidens humains, laissant cou-  
 ler le mal, les autheurs & nourriciers d'i-  
 celuy: & nous arrestās, sinon au vray bien  
 du moins à l'aparence d'iceluy, mesna-  
 geons au mieux de nostre pouuoir, la pa-  
 tience, que nous deuons apporter en tout  
 ce qui nous doit suruenir.





# HISTOIRE

## DE LA GUERRE DE

### S. AVOYÉ.

**L**Oys les peuples Chre-  
 tiens, auoient les yeux  
 tendus, sur les longues &  
 cruelles miseres de ce Royaume,  
 & le different de Religion & les  
 crets mouuements de la Ligue y  
 oient apporté; quand ils sçeu-  
 nt, que la paix long temps dispu-  
 e, souuent rompuë, par fois des-  
 berée, & puis reprinse, auoit en  
 esté concluë à Veruins entre les  
 oys Tres-Chrestien & Catholi-  
 e. Laquelle ne les passionna  
 ins diuersement, qu'ils s'estoiët

*Histoire de la guerre*

variablement affectionnez, aux renouvellemens de tant de guerres passées. Plusieurs s'en resjouirent, pour la pitié qu'ils prenoient aux malheurs de la France. Aucuns, d'affection plus ou moins occasionnée, firent assez connoistre, ce qu'ils en desiroient aduenir: Les autres, qui desespèrans vn tel bien aux François, veu la grandeur de leurs outrages & vengeance reciproques, s'estoient persuadé, qu'elle ne s'effectueroit ou feroit de petite duree; n'en furent si ioyeux qu'ils le monstroient en apparence. Tous neantmoins, enuoyerent Ambassadeurs vers sa Maiesté, pour luy tesmoigner, combien ils se resjouissoient d'vn si heureux succez: avec tous offres de leur bon deuoir.

Elizabeth Royne d'Angleterre, continuant son bon desir vers

cette Couronne qu'elle auoit assi-  
é à son grád besoin. Le Roy d'Es-  
passe, qui s'y estoit employé à son  
ouuoir. Les Princes Germains, &  
s Estats du Pays-bas, qui l'auoient  
cours de quelques troupes: com-  
e les Suisses allies, auoient faict  
ar le surcroist de nouvelles leuees;  
sseurerent qu'ils luy souhaitoient  
u la fin, où du moins quelque re-  
sche, plus que la fuitte de si estrā-  
es afflictions.

Et bien, que la plus part se feuf-  
nt persuadé, qu'un seul Roy d'Es-  
agne, romproit l'esperoir si general  
e presque tous les autres peuples:  
hilippes neantmoins, preuoyant  
ncertain de l'aduenir: & sans se  
atter, sur l'apparance de quelques  
uantages, que les Liguez luy a-  
oient moyenné dedans ce roya-  
e: l'embrassa contre le desir de  
usieurs, & l'aduis mesmes d'au-

cuns, qui eussent plustost souhaité de voir la chaleur du François, huerter la puissance de l'Espagnol. Tellemēt, qu'ores qu'il se fust préparé, par diuers allechements iettez entre les François, les moyens pour s'aproprier de ceste Monarchie; se lascha neantmoins, voyant ses desseins reculer plus qu'aduancer ses pretentions: Conseillé d'ailleurs de preuoir le mal de son Estat, qui pouuoit estre agité dedans & dehors, si ceste paix se faisoit contre ses desirs: la conclud, puis effectua par la reddition de tout ce que ses partisans, luy auoient faict tomber en sa puissance.

Le Pape Clement viij. ne luy fut vn des moindres esguillons à s'y resoudre. Car bien qu'autresfois sollicité par l'Espagnol, non moins que par les exemples d'aucuns Papes ses deuanciers, de balancer au party

gué: se resolut en fin à vn bien  
mun, plus qu'au respect du par-  
culier d'aucun de ces Princes.  
int qu'il sentoit, que nombre de  
epubliques & Potentats d'Italie,  
uorisoient le Rôy tres-Chrestien:  
ui d'aduis, qui d'argent, qui d'au-  
orité, qui par prieres bien secrètes  
s enuêrs Dieu. Tellement qu'il  
assez tost estat, de ne se porter en  
animeux differés, qu'en amy cō-  
un & arbitre equitable pour ac-  
rder & finir en fin, si longues  
terres, qu'il iugeoit debatuës a-  
c plus humaines que deuociue-  
passions. De faict, son respect la  
d'autant plus agréer aux autres  
inces, qu'ils la sceurent auoir esté  
oposée, renouée & animeuse-  
ent pourfuiuie, tant par ses Non-  
s, qu'autres personnes qu'il auoit  
uoyé en France, Espagne & au-  
es endroicts, pour vn bien qu'il

*Histoire de la guerre*  
estimoit general & aduantageux à  
tous les Chrestiens.

Mais, comme les bonnes vian-  
des tournent en mal aux vns, & en  
bien aux autres, selon la diuersité  
des estomacs: & que les benedi-  
ctions diuines, ores qu'enuoyées  
esgalemēt pour tous, sont toutes-  
fois receuës de diuerses affectiōs;  
& peu souuent mesnagées avec pa-  
reille prudence, vn si grand bien,  
ne pleut à tous; & fut si diuersemēt  
reçeu, que si aucuns en tirerēt quel-  
ques commoditez, d'autres desdai-  
gnerent, ou ne se peurent preualoir  
de si grande faueur. Vn seul tou-  
tesfois, s'y opposa. Et la voulut mes-  
me de guayeté de cœur, conuertir  
à ce qu'il pensoit luy deuoir accroi-  
stre sa reputatiō. Encor' qu'il se vist  
hasarder son estat, & preueust mes-  
me le pouuoir plus aisement assieu-  
rer par la paix, que par vne tou-

urs douteuse guerre.

Charles Emanuel, qu'on tient  
ur Duc de Sauoye & Prince de  
edmont (si la force & le temps  
ent les François, dōnent aux ac-  
ests des seigneuries, plus de droit  
é les loix & la raison) estoit lors  
u par aucuns, l'un des plus iudi-  
ux (bien que signalé entre les  
oyens) Princes de la Chrestieté:  
s'estoit jà bandé contre le Roy  
z le commencement des trou-  
es de la Ligue. Car comme celuy  
on disoit estre de nature, de  
urriture & d'instruction ambi-  
ux: & auoir accreu le desir de ses  
ançemens, sur vn assez fauorable  
cez de quelques petits accidēts,  
stait, à l'aduis des François, laissé  
leuer à de hautes fantasies, par le  
uifir des flateuses louanges qu'au-  
ns des siens luy donnoiet à cau-  
de ses rares vertus, rapportees

mesmement aux communes foiblesses, qu'il appelloit vices & imperfections, de plusieurs Princes de son temps. Voire qu'anticipant, mais par petits & foibles effets, les aduantages qu'il se proposoit de ses alliances, eschelloyt ses grandeurs, sur les degrez de ses amis plus que sur ses propres moyens: Souffroit mesme, qu'on formast le dessein de sa fortune, sur l'apparence de ses pretensions ez Espagnes & dependances d'icelles; veus les trop longs delais, qu'il prenoit pour reffus, de luy donner le Duché de Milan, & d'effectuër les autres conditions de son mariage avec la puisnée d'Espagne, lequel il iugeoit deuoir estre fauorisé, d'une pareille ou du moins approchante affection, à celle qu'on auoit tesmoigné vers l'Infante sa belle-sœur ainée, & l'Archiduc son mary. Voire que, com-



*de Sauoye.*

*s*

e si les desirs, ny les desseins, ny  
esmes les effects d'ambitiõ, ne se  
eussent aisémēt borner, par la foi-  
esse de ceste nature humaine: e-  
endant le vol de ses souhaits, ius-  
es au plus haut point d'hõneur,  
quel peuvent aspirer les Chre-  
tens: se fantasioit l'eslection de son  
ltesse, à la Courõne des Romains:  
pour assez tost s'ouurer le chemin  
seuré, à l'Empire de Germanie;  
quel il esperoit iouir, d'une sur-  
tendance en la Chrestienté.

Pour donner pied à l'effect de si  
hutes pensées: il auoit commencé  
e ioindre à ses Estats de Piedmõt,  
Marquisat de Saluces, avec les  
is voisins, par la surprinse de Car-  
agnole, & la batterie de Ravel.  
à celluy de Sauoye, le Comté de  
enée de long temps enuié, va-  
blement debatue, & en fin demy  
ommandé par l'erection du fort

B

*Histoire de la guerre*

saincte Catherine, auancé à deux lieues de la capitale du pays Genevois: Faisant estat, que peu à peu la Prouence, Dauphiné, Lyonnais, & autres terres luy seroient propres à s'incorporer, non la Bresse seulement, pour la rendre d'enclauée en France, l'un des continens de sa domination: Mais aussi de faire assez tost luire sur sa teste, la Couronne de l'ancien Royaume d'Arles & de Bourgongne. Embrassant depuis le Rhin à l'Orient, la Lorraine, & Champagne au Nort, & Loire à l'Occident, tout ce qui s'estend au Midy iusques à la mer mediterrannée. Tous ces desseins neantmoins, & les essais mesmes, pour les reuestir de quelques notables effects, entretenus par la patience des François, trop empeschez ailleurs: furent tellement trauez par le Roy, dez qu'il se vit deliuré des misera-

les troubles de la Ligue: que le discours n'en peut estre qu'agreable à tous beaux esprits. Et non moins honorable au plus heureux, que mal plaisant à ceux, sur lesquels l'orage des tempestes y suruenues en eut & pourra tomber à l'aduenir.

Mais, pour ce que sçauoir quelque chose, est la connoistre par sa cause. Laquelle est à l'Historien, le motif & vraye source des accidēs qu'il traite. Deuant qu'entamer le narré de choses si remarquables; ne semble expediēt, de le reprēdre par sa premiere origine. Laquelle vous representera apres la perspective de Sauoye, du Piedmōd & pays voisins; les droicts que les Roys de France & les deuanciers de ce Duc, y ont de long temps pretendus. Les changemens de seigneuries, les bonnes & mauuaises occurrences y suruenues. Et en fin,

comme, quand, & de qui les Princes qui les commandent, en ont pris & maintenu iusques icy la domination. Ains aussi d'autant plus profitable, que la droicte consideration du passé, iudicieusement rapportée aux conditions presentes: nous faict bien iuger des choses qui s'offrent. Puis preuoir & plus discrettement pouruoir à celles qui nous peuuent aduenir.

Je ne parleray des droicts des Comtes de Prouence (qui fut depuis incorporée à la Couronne des François) sur le pays de Piedmont: notamment apres qu'il fut vny à son ancien corps l'an 1306. Depuis lequel temps, ils en iouyrent paisiblement par 60. ans, & iusques à ce que la Royne Ieanne, fille de Robert Roy de Sicile & Comte de Prouence, en fut despouillée par le Sauoyen. Comme il s'empara de

*Voyez la première Sa  
noyenne, l'é-  
loquence &  
doctrine de  
laquelle des-  
couurent aux  
son Authenr,  
que la suppres-  
sion de son no-  
me la peu ce-  
ler.*

Nice & Ville-franche, pendant les  
 longues guerres d'entre la maison  
 d'Anjou & les Arragonnois, pour  
 le Royaume de Naples. N'en ayāt  
 moins fait du Comté d'Ast, qui est  
 de la maison d'Orleans, cōme don-  
 né en dot à Valentine de Milan.  
 Ny de l'hommage de Fossigny qui  
 est deue du Dauphiné: Et de diuer-  
 ses terres du Marquisat de Saluces,  
 au mespris de l'Arrest cōtradictoi-  
 re donné au Parlement de Paris le  
 10. Iuin 1390. le Duc ouy & deffen-  
 dy par tous moyens & solemnitez  
 ordinaires: Par laquelle le Roy Dau-  
 phin, fut déclaré Seigneur du Mar-  
 quisat & des fruiets d'icelluy. Pour  
 toucher au point

Les histoires de France & de Sa-  
 uoye, vous racomtent les differen-  
 tes pretenensions, tant des Roys que  
 des Ducs sur ce pays. Mais les ar-  
 chiues & plus fidelles memoires du

*Droicts &  
 pretenensions  
 reciproques  
 des Roys de  
 France & /  
 des Ducs de  
 Sauoye sur ce  
 pays & terres  
 voisines.*

*Histoire de la guerre*

Thresor des chartres de ce Royau-  
me , vous peuuent asseurer, que  
Philippes 7. Duc de Sauoye eut de  
Marguerite de Bourbon sa premie-  
re femme, Philbert & Loyse mere  
du Roy François 1. du nom, & Phi-  
leberte mere de Iulien de Medicis  
frere du Pape Leon 10. Et portoit  
le contract de mariage, qu'ils succe-  
deroient l'un à l'autre pour le tout.  
Et leur fut fait don en preciput des  
Comtez de Baugé & Chastellenie  
de Bourg en Bresse. Philippes es-  
pousa en secondes nopces Claude  
de Pôtierre, de laquelle vint Char-  
les Duc de Sauoye, Philippe Duc  
de Nemours & Comte de Gené-  
ue, Puis René Bastard, Comte de  
Vilars & Grand-Maistre de Fran-  
ce. Philebert neantmoins luy ayant  
succédé comme premier nay &  
principal heritier, deceda sans en-  
fans, laissant sa sœur Loyse son heri-

ere vniuerselle: tant par la disposition du droict commun qui prefe-  
e les cōioints des deux costez: que  
ar la clause expresse du cōtract de  
ariage. Et ores qu'ez terres où le  
asse estoit preferé, Loyse ne pre-  
ndoit rien; elle estoit neátmoins  
ulle heritiere de son frere en tout  
bien de la mere, au precipu, & en  
ous les biens allodiaux. A l'occa-  
on dequoy, le Roy François son  
s, enuoya plusieurs personnages à  
uertes fois vers Charles 9. Duc de  
auoye, frere consanguin de Ma-  
me sa mere; affin d'auoir raison  
e ses droicts, concernans tant le  
artage de sa mere, que la successiõ  
e son frere Philebert. Mais pre-  
enu par les hautes passions de sa  
mme sœur de l'Empereur, ou au-  
e occasion, ny voulut entendre.  
t mesme refusa passage au Roy  
ui vouloit entrer par son pays en

*Histoire de la guerre*

Italie. Non tant pour vanger (comme aucuns disent) sur Loys Sforçe Duc de Milan, l'indigne mort du sieur de Merueilles son Ambassadeur qu'il auoit faict decapiter, que pour prédre possession du Duché de Milan & de ses deppendances, comme seul & legitime heritier du Duc decedé sans hoirs le 24. Octobre 1535. encor que les Sforçes n'en feussent que violents vsurpateurs. Et en pretédoit le Roy l'inuestiture que de gré que de force, sçachât que l'Empereur s'y oposeroit pour eslogner les François d'Italie: Et qu'il auoit desjà vendu au Duc de Sauoye le Comté d'Ast & pays Astesan premier patrimoine de la maison d'Orleans, donné par le Duc Gualeas Vicomte à Valentine sa fille femme de Loys Duc d'Orleans, de la maison duquel le Roy se disoit chef & heritier tât de  
luy



y que de la Royne sa femme fille  
e Loys douzième. Ioinct que le  
duc de Sauoye, s'estoit jà descou-  
vert ennemy des François, prati-  
quant les Suisses pour les destour-  
ner de l'alliance du Roy, à celle de  
l'Empereur son beau frere. Duquel  
esperoit secours, cōme de frais re-  
turné de son voyage d'Alger, qui  
est en Affrique. Mais plus auisé &  
bien cōseillé, que lors qu'il y fut  
passer le Duc Sforçe, & les Espa-  
gnols de Milan, par le Marquis de  
Saluces, & assieger Pauie où il fut  
pris, & mené prisonnier en Espagne:  
il voulut aller en personne. Ains a-  
yant eue auoir dressé son armée à Lyon,  
il enuoya 1536. sous l'Admiral Cha-  
blais. Lequel força presque toutes  
les bonnes places de Bresse & de Sa-  
uoye, à recongnoistre la fleur de  
France. Puis l'Admiral fut cōtinuer ses  
victories en Piedmont. Où depuis le

*Histoire de la guerre*

Roy enuoya les Sieurs Comte de Saint Paul, Montejan, & d'Anebaut, qui prindrent Turin capitale du pays, & autres places. D'ot l'Empereur retourné d'Affrique à Rome, fit de grandes plaintes au Pape & College des Cardinaux: comme d'un perturbateur du repos de la Chrestienté, & pendant qu'il employoit toutes ses forces, cōtre des infidelles pour la manutention & auancement de la Religion Chrestienne. Mais le Roy, fasché de ce qu'il ne rendoit ce que ses gens luy auoient enleué en Piedmont & Lombardie, poursuiuoit sa pointe. Surquoy le Marquis de Saluces se reuolte à l'Empereur. Qui se met au chāps avec vne grosse armée, resolu de domter la Prouence & païs voyfins, comme le Roy auoit faict la Sauoye, dont il auoit despouillé son beaufriere. Ce qu'il eust peut e-

refaict, si le Grand-Maistre de Montmorency, ne l'eust en fin fait tirer, faute de viures & autres in-  
commoditez, dont il rompit l'armée  
plus que de forces. Le Comte Guy  
de Rangon, Lieutenant du Roy en  
Piedmont, print Sauillan, deffendit  
la ville de Quiers cõtre les Marquis  
de Gast & de Saluces, lequel fut  
levé d'une harquebuzade au siege  
de Carmagnole, qu'on vouloit o-  
per aux François. Puis le sieur de  
Lumieres, fut enuoyé pour main-  
tenir le Piedmont. Quiers neant-  
moins fut pris par les Espagnols,  
lesquels y tuérēt les habitans, pour  
la faueur qu'ils portoient aux Frã-  
çois. Cause, que le Roy enuoya  
nouuelle armee sous Monseigneur  
Dauphin & le Grand-Maistre de  
Montmorency, qui print d'assault  
la ville de Suze sur les Espagnols, &  
le Chasteau de Villene, la ville de

*Histoire de la guerre*

Montcallier & autres places, lesquelles ils se maintindrent iusques à la paix de Nice, accordée en May 1538. pour 10. ans par l'intercession du Pape. Depuis Monsieur d'Anghien y fut enuoyé, qui gangna la memorable bataille de Cerizoles sur le vieil Marquis del Gast & les Espagnols, sur lesquels on prit Carrignan & plusieurs autres places, qu'on tint iusques au Roy Henry 2. Sous lequel, apres la prise & signalée route de Sainct Quentin, fut l'an 1559. la Paix accordée à l'Espagnol & Sauoyen. Ausquels on rendit cét quatrevingts dixhuit bones places, fournies de fortes garnisõs. Donnât le Roy en vn quart d'heure & par vn seul traict de plume, ce quiluy auoit & à ses predecesseurs plus cousté de temps, d'hommes, d'argent, & autres cõmoditez de son Royaume, qu'on n'eust sceu

roire. A cause dequoy, l'un des  
Mareschaux de France, l'appelle en *Monsieur de*  
es escrits l'infortunee & mal-heu- *Montluc.*  
reuse paix. Eu aussi esgard aux in-  
conueniens qui ensuyurent. Assa-  
oir les guerres ciuiles, qui ont (dit-  
) faict mourir plus de Seigneurs,  
bons Capitaines & autres gens de  
bien en sept ans, que les guerres e-  
trangères n'auoient faict en septâ-  
ne. Ne se pouuant plus les François  
occuper, qu'à s'entregorger fu-  
rieusement les vns les autres. Som-  
me, lon ne retint que les cinq prin-  
cipales & plus fortes villes du Pied-  
mont, comme pour gages de la  
raison que les François deman-  
doient, pour fruiet de leurs preten-  
sions: Turin, Quiers, Chiuas, Pine-  
bol & Villeneufue d'Ast, avec leurs  
nages, territoires, iurisdiccions &  
autres appartenances, pour l'entre-  
ten & munition desdites places. Le

*Histoire de la guerre*

Roy mourut presque au mesme temps, luy assistant le Duc de Sa- uoye pere de cestuy-cy. Lequel, se treuuant lors à Paris, obtint du fils François 2. quatorze iours apres le decez du pere, Lettres patêtes (non veriffiées toutesfois en Parlement ainsi qu'estoit ledit traicté de paix) par lesquelles, tous les finages de ces cinq villes, sont restreins à vn mil piedmontois. Qui estoit retrâcher, les cinq fixiesmes au moins de ce qui estoit demeuré. Mais 1562. le Conseil du Roy Charles 9. aagé seulement de 12. ans, & le Royau- me se treuuant agité de guerres ci- uiles: apres auoir tiré Monsieur le Marechal de Brissac de son Gou- uernement de Piedmont: mit ez mains du Duc, pour Sauillan & trente-trois mil liures pour vn mois de paye des soldats, Turin, Quiers, Chiua & Ville-neufue d'Ast. No-

obstant les remonstrances & anieueuses protestations de Monsieur de Bourdillon nouveau Gouverneur, & des Capitaines des places, qui demandoient vne Assemblée d'Estats, pour en estre vallablement eschargez; ou du moins la verification du Parlement de Paris, attendu la minorité du Roy. Car tous auent, que ce grand Senat, n'est moins venerable, pour le merite de vertueux personages: que necessaire, tant à la manutention de l'Estat, qu'à balancer les incertains enuilemens des volontez du Prince: qui d'ordinaire se preiudicie plus à tout donner, & ne refuser rien à ceux qui le plus souuent l'assiegent & pressent indiscrettement: qu'à retenir ce qu'il pourroit libéraliser à ceux, qu'il iugeroit de merite & de plus grande esperance à aduenir. Le Conseil du Roy neât-

moins, fit ce qu'il luy pleut. Puis toute l'artillerie fut menée à Carmagnolle: où il s'en trouua presqu'autant qu'en tout le reste du Royaume. Ainsi toute l'assurance des droicts François, fut reduite à Pinerol restât des cinq & Sauillan qui ne valoit gueres. Encor le Duc, pour oster aux François toute memoire de leurs droicts anciens: pratiqua, & en recompence d'une magnifique collation qu'il fit au Roy Henry 3. retournant de Poulongne en Sauoye, eut aussi tost que demandé, ces deux places. Dont le pere de ce Duc, ne se pouuoit lasser de dire, qu'il luy auoit vne obligation infinie. Son fils toutes-fois, voyât le feu Roy l'an 1588. plus que demy chassé de Paris, son plus ordinaire & delicieux séjour; l'estimant ruyné: & mesprisant l'autorité, autant que l'effect de la Loy Salique: se



persuada, qu'il auroit avec ses forces & autres moyens, le plus apparent droit à la Couronne des François. Du moins, qu'il emporteroit nécessairement, vne des meilleures pieces de ce vieil nauire brisé. Et en voulut commencer la conqueste par les places affectées au fils de France, comme vn gage de sa future succession. Tellemēt qu'à la face des Estats du Royaume conuoquez à Blois, il entra avec vne grosse armée, au milieu d'vne profonde paix, dedans le Marquisat de Saluces pour s'en faire Seigneur.

Mais pour mieux vous faire entendre le progres de ceste conqueste. Et par consequent les notables accidens qui en aduindrent. Puis la guerre de Sauoye, nostre principal subiect: me semble expedient de vous représenter en peu de mots, premierement le pays & sei-

gneurie du Marquisat, comme premiere source de tant de particularitez. Puis l'origine, descente, vie & fin des Marquis. En fin, comme & quand les François leur ont succédé. Et apres eux, le Duc de Savoie iufques icy.

Le Marquisat de Saluces, estendu par les monts Apenins entre les 43. & 44. degrez de la vieille Gaule, assez prez de la mer Prouençale, du costé de Nice; touche le Piedmôt pays des Lôbards ou Insubres anciens, au Nort: le Dauphiné à l'Occident: & le Mont Ferrat à son Orient. Il a, pour villes & places plus renommées, Carmagnolle sa principale, Burges, Caours, Pancalier, Ennet, Ville-neufue du folier, Morel, Montil, Carignan, Monalterel, Carde, Vignon, Ville-franche, Caueillimont, Raconis, Moullebrune, Carail, Someriue, Camaraigne, Ca-

alerlion, Polognières, Casalgras,  
orpas, Faule, Malazan, Villefalet  
& Busque.

Les Marquis, se disent yllus d'A-  
eran & d'Alteffe (fille d'Otho 2.  
Empereur 986.) refugiez à Guare-  
e en Italie. Où reconnus & aduan-  
ez par l'Empereur de plusieurs  
erres, de Montferrat entre autre:  
aïsserent Guillaume sieur de Môt-  
errat leur ainé, & les Marquis de  
Cenc, Poncion, Bosche, Saluce, Sa-  
uone & Finar. De Gautier vindrēt  
es Marquis de Saluces: Entre les-  
quels, Mansfred gendre de Mans-  
fred Roy de Sicile, bastard de Fede-  
ric 2. Empereur, qui eut Loys. Du-  
quel vindrent Nicolas Marquis &  
Richarde femme de Nicolas, 3.  
Marquis d'Est, 1429. Nicolas eut  
Loys, auancé par le Roy Charles 8.  
à sa Lieutenance du Royaume de  
Naples. Qui laissa de Marguerite

*Histoire de la guerre*

Vascone Michel, qui eut grade avec le sieur de Lautrec aux guerres de Naples, & contre Philippe d'Oréngé, Lieutenant de Charles 5. Empereur, Mourut 1528. Puis le peuple tira Loys de prison, où sa mere le tenoit, qui de nuict, l'épée nuë & la poincte en bas, luy vint demander pardon, & prier de le recognoistre pour fils & seigneur de Salluces. Ce qu'elle accorda. Mais le menant en France à l'induction de François premier, le fit prisonnier. Puis retournée fit François Marquis. Laquelle obtint encore qu'il feust assigné en France, & depuis ouy. Mais elle mourut en Dauphiné 1532. François néanmoins, quitta ce patty pour se retirer à l'Empereur. De l'armée duquel chef, pour assieger Carmagnolle y mourut d'un coup d'arquebuzé 1537. Puis Gabriel der-

er des 4. freres fut Marquis. Qui  
ourut à Turin, ne laissant au Mar-  
quisat autre successeur que le Fran-  
ois qui la tenu iusques à l'an 1588.  
Le Charles duc de Sauoye se feit  
Marquis par force, sans autre droit  
de voisinage & bien sceance:  
Mais fort OPORTVNEMENT (dit-il)  
seigneur de tout ce qui en depéd.  
Car outre ce, que ses predecesseurs  
ussent de long temps enuiés si bel-  
piece, Cestuicy resolu de mon-  
ter qu'il auoit moyen de s'agran-  
ir par forces d'esprit, autant que  
par autres moyens, fit estat de s'en  
seuer par argët, promesses & tel-  
autres voyes plus que par armes,  
il reseruoit à l'extremité. Par ce,  
uoit dez le commencement de  
n 1588. entretenü La Coste com-  
mandant à Carmagnole, par offres,  
esens & autres diuerses faueurs.  
Lequel en ayant aduerty le Roy, &

*Histoire de la guerre*

aduoué de luy, iusques à ce qu'il luy  
eut enuoyé vn chef pour succes-  
seur: en tira par si double trame de  
25. à 30. mil escus. Puis se retira bien  
venu de son Prince pour le seruice  
passé. Ce qui occasionna le Duc, d'y  
dresser vne autre intelligence, en-  
uiron le temps des Barricades de  
Paris, par S. Simon Prouençal. Le-  
quel y auoit autresfois seruy le Roy,  
& depuis estoit allé suyure le Duc.  
Mais y ayant esté les trameurs (fors  
sainct Simon) estranglez avec le  
Gentil-homme d'Auignō qui leur  
portoit les doublons, pour le prix  
de leur marchandise: dressa armée  
comme pour se ietter sur le Mont-  
ferrat & Mantoüan: Puis s'arresta  
deuant Carmagnolle en Decébre  
1588. Qu'il prit aussi tost, sur 4. ensei-  
gnes mal complètes, dont prez de  
cent soldats se retirerent au Cha-  
steau, que trente soldats guardoiēt.

quels, faute d'autre prouision  
e d'artillerie, & ses munitions: se  
dirent huiet iours apres la ville  
se, vie, armes & bagues sauues,  
ec paye pour trois mois, que les  
efs (bien contentez d'ailleurs) di-  
buèrent mal aux soldats. Les-  
els desbandez, n'ont esté depuis  
uz, non plus que les chefs. Il prit  
mesme iour & par semblable  
oyen Cental. Puis Rael, qu'il  
ttit & força en trois sepmaines.  
à fasché, d'auoir perdu nombre  
gens, aima mieux reprattiquer  
corruptions que la force, pour  
leuer le reste du Marquisat.  
Craignant toutesfois les forces  
Roy autant peut estre, qu'il se  
utoit de ses moyens à maintenir  
conqueste: enuoya en France  
ur gratifier le Roy: iusques à vser  
diuers pretextes, pour colorer &  
qu'ir ses desseins: & faire trouuer

## *Histoire de la guerre*

finion bonnes, du moins non tant  
desagréables ses actions enuers sa  
Maiesté. Vers laquelle apres a-  
uoir vſé de quelque gracieux pro-  
pos, pour luy faire agréer ses  
desseins: avec assurance de remet-  
tre tout entre ses mains, afin peut  
estre de l'endormir & prendre plus  
de loisir, à bien assurer sa conque-  
ſte. Il degrade neantmoins, les Of-  
ficiers de sa Maiesté: y en establit à  
sa deuotion. Arrache & brize les  
fleurs de lys: Esleue les armes de Sa-  
uoye. Munit ses places de partie  
des piéces d'artillerie Françoisé. Et  
pour donner à connoistre, qu'il  
pretendoit bien plus haut: se fit es-  
leuer en relief apres le naturel, sur  
vne piéce de monnoye forgée ex-  
prez. Et au reuers d'icelle vn Cen-  
taure, foulant au pied vne Couron-  
ne renuerſée, pour le corps de sa  
deuise: Et pour l'ame ce mot *Opor-  
tune:*

*Les premiers  
Grecs rudes  
en plusieurs  
choſes, comme  
tous autres  
peuples à leur  
cōmencement,  
n'oyants mō-*



ne: Comme s'il eust desiré, d'effe-  
 uer les grands desseins, par les for-  
 tant du corps que d'esprit. Sur-  
 toy, ne voyant beste qui repre-  
 sentast celle du Lyon & du Re-  
 ard ensemble, que le Centaure  
 comme-cheual: pour ce que l'un se  
 put autāt preualoir de la force de  
 prit, que l'autre de celle du  
 ps: pensoit fort ingenieusement  
 onstrer, qu'il auoit espié iusques  
 troubles de la Ligue (qu'il de-  
 toit par le mot OPORTVNE) &  
 licieusement attendu, l'occasion  
 se faire droict par armes & subti-  
 d'esprit, ez pretensions sur les  
 rs du lys. Dequoy aucuns des  
 çoy, ayans esgard que des plus

ter à cheual,  
 pource qu'ils  
 le voyoient  
 fier & libre,  
 ne l'ayans en-  
 cor dompté:  
 s'esmerveil-  
 loient des Cē-  
 taures Et La-  
 pites notables  
 familles, ou se-  
 lon d'autres,  
 peuples de  
 Thessalie jà  
 adroicts au  
 manege des  
 cheuaux, Et  
 qui premiers  
 leur monstre-  
 rent à les pic-  
 quer, manier,  
 dompter, Et  
 à faire tous  
 autres exerci-  
 ces, que les  
 Grecs ap-  
 prendrent  
 depuis à cest  
 animal.  
 Ainsi que  
 diuers peu-  
 ples de l'A-  
 merique

admiré de nostre temps, le simple maniemēt du cheual des Espagnols,  
 sont autāt preualu de ceste nouueauté en leurs conquestes. Americaines  
 autres subtilitez, sans lesquelles ils ne les eussent assuiettis. C'est pour-  
 es Anciens appelloient Et peignoient les Centaures demy-hommes &  
 x, comme si ce n'eust esté qu'une creature remuante, qui tint forme de  
 en bas, & d'homme depuis le nombril en haut.

*Histoire de la guerre*

belles deuises, le corps & l'ame doi-  
uent auoir vn clair & vray rapport  
au dessein & naturel de l'auteur  
d'icelles: dirent que le Duc n'eust  
sceu mieux exprimer la legiereté de  
de ses desseins, que par le naturel  
d'un homme qui tient de la beste:  
A l'auoir d'un animal imaginaire tel  
qu'est le Centaure, que l'ignorance  
des premiers Grecs subtilisa estre  
vn homme & cheual tout ensen-  
ble: Ny plus claiement faire paroi-  
stre ses vaines obligations vers les  
Roys Tres-Chrestiens, que par la  
brutale stupidité d'un cheual, qui  
ne fait seruice à son maistre que par  
force, & comme en despit du bon  
traictement qu'il en reçoit. Mais  
le Roy, la grande promptitude de  
corps & d'esprit duquel, est admi-  
rée par ses ordinaires, louée de tous  
autres, & treuuee estranges par ses  
ennemis mesme: fit assez tost, d'un

ne pareille inuention & aussi haut courage, mais avec vn plus heureux effect, retraire sur vne autre piece, vn Hercule armé à l'antique, foulât de ses pieds vn Cétaure rüé bas. Sur lequel triomphant de sa victoire, il hausse vne massüe de la droicte, & de la gauche vne Couronne Royale, qu'il semble auoir releué, ou vouloir deffendre contre tous efforts, pour le corps: & pour l'Ame de la Deuise, ce mot OPORTVNVS. Plus à propos: ou mieux à point. Affin de faire connoistre au Duc, qu'il s'estoit precipité faute de iugement, ou n'auoit sçeu mesnager l'occasiõ, en la tant iudicieuse attente de laquelle, il se pensoit recommander au deshonneur des trop viues chaleurs (qu'il appelle inconsiderées boutades) des François. Lesquelles neantmoins, auoient & à point nommé, confondu & renuersé les

*La Deuise est tirée de l'histoire d'Hercule tuant le Centaure Nessus pour ce qu'il luy auoit ravy Deianira son aimée.*

*Histoire de la guerre*

graves & tant remaschées considérations des Sauoyens & Piedmontois. Surquoy plusieurs aussi libres delâgue que de cõception d'esprit: trouuoient fort notables ces ieux de Princes, que les anciens appelloient les grands iouëts de la fortune. Et à vray dire, les plus signalez instruments en ce bas monde, de la providence diuine: Ausquels, elle faict & par fois laisse produire, de hauts & variables desseins, mal mesurez quelque fois, souuët mal-heureux, mais tousiours preiudiciables aux subiers de la plus part d'iceux. Somme que plusieurs, mais des François sur tous, semerent les plaintes par tous pays, de l'ingratitude du Duc, & mesmes des inhumanitez estranges exercées par luy & les siens cõtre toutes sortes de François, qu'il trouua resolu de deffendre la liberté de leurs pays, par l'effusion de

ur sang: iusques à preferer la mort  
toute seruitude estrangere. No-  
ment ceux de Prouence & Dau-  
niné. Desquels, disent-ils, il pen-  
it faire comme les deuanciers a-  
oient faict de Piedmont, Ast, Ni-  
, Villefranche, & tât d'autres pla-  
s. Si que plusieurs de ceux mes-  
es qui luy auoiét ouuert les por-  
s, furent en fin cōtraints de chas-  
les siens des lieux, où il se trouue-  
nt les plus forts.

Tellement que ce Prince, que les  
liens disent plus politic que cha-  
reux guerrier: ayant considéré  
e tout ne reüssissoit à son desir.  
oyant d'ailleurs le Roy Henry 4.  
onnu, aimé, obey, respecté, &  
nnoré de tous, plus qu'autre de  
predecesseurs. Prince né, nour-  
esleué entré les armes, enrichy  
toutes les parties qu'on peut re-  
erir à former vn grand Capitai-

*Histoire de la guerre*

ne & vn grád Roy tout ensemble: cõtre les efforts duquel, il ne pourroit plus long temps garder ce Marquisat par force. Veu mesme que par le traicté de paix, chacun deuoit dans vn an rentrer en tel estat qu'il estoit auparauant les guerres: se treuua assez empesché pour se bien resouldre sur vn tel accidēt.

Pour mieux esclarcir cecy: vous entédrez que le Duc ayāt enuoyé le Marquis d'Olulin pour interuenir de sa part au Traicté de la paix de batuë à Veruin, entre les Roys tres-Chrestien, & Catholique, il y fut en fin compris. Auec charge, que le surplus des differens d'entre le Roy tres-Chrestien, & luy, demeurez indecis, seroient remis au iugement du Pape, pour estre par luy decidez dans vn an. Mais le Pape, ayāt pour quelques occasions dilayé & faict prolonger le temps du cõpromis:

fin exhorta le Roy & le Duc de  
terminer entr'eux mesmes, ou  
personnes interposees, à l'amia-  
e, sans y attendre son iugement.  
Roy luy promit, tant pour la re-  
tence qu'il luy porte, que le bon  
fir qu'il a au bien de la paix: qu'il  
tendra volontiers les proposi-  
ns que le Duc luy fera, pour vi-  
le different du Marquisat. Et  
Duc aussi prit resolution d'en-  
yer en France y contéter la Ma-  
é en quelque sorte. C'est com-  
parent les François, qu'il eut  
ours aux subtilitez, puis qu'au-  
s forces ne le pouvoient asseurer:  
furent submissions & tempori-  
ments. Car ayant practiqué ou  
r par aduis, que rien n'alentist &  
nmande plus le violent naturel  
François, que la douceur, que les  
cieuses expectatiues & desgui-  
delais, esquels on luy faict con-

sommer, sa d'autant plus forte chaleur, qu'elle estoit de source & de matiere delicate, par ainsi de petite durée: Il se resolut d'offrir tout au Roy. Mais en retarder l'effect par longues remises, esquelles il esperoit entretenir sa Majesté, sous les plus belles & ingenieuses ouuertes qu'il pourroit subtiliser. Se promettant d'ailleurs, qu'en l'incertitude du tēps, & continuē varieté des accidēs humains, il mesnageroit quelque occasion, à l'aduātage de ses desseins. Premièrement il enuoya le Cheualier Breton, asseurer le Roy de sa bonne volonté, à luy donner tout contentement en l'execution de ceste paix. Ce Cheualier natif du Comte de Venisse, mais habitué en France, où il tint le party de la Ligue, s'estoit la paix faite, acōmodé avec le Duc: auquel retourné, il porta permissiō du Roy, de le venir trouuer



er en toute feureté d'y estre bien  
ceü. Se persuadant, que si son Al-  
tesse alloit en France, veuës ses bel-  
les parties, elle feroit avec la débõ-  
nairé du Roy & son Conseil, tout  
qu'elle voudroit, pourueu qu'il  
contentast sur le fait du Marqui-

Son Altesse, pour laisser en la me-  
moire des François & de leur poste-  
té, vn notable seignal de grâdeur,  
de son merite & richesses, que  
ses alliances Espagnoles : vint à  
son, suiuy de douze cens des plus  
marquéz Seigneurs, officiers &  
très quallifiez personnages, qu'il  
estoit expressement asséssemblé de tous  
païs: mieux parez que n'eust per-  
s en autre temps, la forme du  
uil que leur maître portoit, du  
cez de la Duchesse sa femme, puis-  
e des deux filles d'Espagne. Train-  
ant le premier & plus grand des

*Histoire de la guerre*

Monarques Chrestiens, se fut contenté: comme qui suffisoit à le pou-  
voir tres honnorablement & fort  
suffisamment servir. Puis se fit pom-  
peusement porter par grand nom-  
bre de batteaux faits expres, sur la  
rivièrre de Loire iusques à Orleans.  
Et de là fut en poste trouuer le Roy  
à Fontaine-bleau, avec Monsieur le  
Duc de Nemours son cousin, que  
le Roy luy auoit enuoyé au deuant.  
Et bien qu'il eust grand desir, d'estre  
veu plustost qu'attédu par sa Maie-  
sté: la trouua sortant de la Messe  
neantmoins, prest à monter à che-  
ual & aller à l'assemblée avec gran-  
de suite sur le chemin, par lequel le  
Duc deuoit venir. Lequel habillé  
de deuil & petitement accōpagné,  
pour auoir laissé son train à Orleans  
avec charge de le venir trouuer à  
ses iournées: fut amiablement re-  
cueilly, honnorablement reçu, &

dicté par sa Maieſté en toutes for-  
s de courtoisies Françoises. Sans  
y permettre de parler d'autres af-  
res, que pour luy dōner tout plai-  
& contentement. Renuoyant le  
iect de sa venuë, déſlors qu'il luy  
oulut parler d'affaires, à son Con-  
l. Puis pour à loisir & plus parti-  
lièrement auiser à tout, à Mon-  
eur de Roſny, Maximilian de Be-  
ne, de la tige des anciennes  
aisons de Flādres & Melun, Grād-  
aistre de l'artillerie, Surinten-  
nt des Finances des fortificatiōs,  
Grand Voyer de Frāce. Au meri-  
des vertus duquel, sa maieſté se re-  
ſoit. Cōme le Duc en celuy d'un  
n Confident, auxquels ils donne-  
nt la charge de conſerer du tout.  
Le Confident du Duc, tachant  
ombrager la petite, mais aſſeurée  
ualité d'un Marquisat: par la grā-  
, bien qu'incertaine apparence

*Histoire de la guerre*

d'une plus haute dignité : tendoit à luy persuader, que le Duc n'estoit seulement disposé de servir le Roy : & sousmettre avec le Marquisat, toutes autres choses à sa volonté. Mais qu'il venoit principalement, pour luy offrir tous ses moyens, & faire ouverture à l'Empire des Chrétiens. A quoy il deuoit buter, plustost qu'à chose de si peu, que le foible heritage de Saluces. Que ce grand Estat luy ryoit : luy tendoit les bras, & n'attendoit d'estre gouverné par autre, veu les manquements des Princes. Et les beaux moyens que luy & ses amys auoient pour les employer à son service. Ne voyant vn seul, qui le peust seulement trauerser en cela. Que le Pape & autres Potentats de la Chrestienté, seroient pour luy. Que la ieunesse du Roy d'Espagne, & son inclination aux plaisirs, ordinaires

ux Princes de son aage, l'enpes-  
hoient de mōter si haut. Et le der-  
rier seul, à seulement cōcevoir tel-  
Grandeur. Voire que le Ducle  
pourroit assez empescher, si sa Ma-  
isté le vouloit assister en la cōque-  
e de l'Espagne, affectée au parta-  
e de sa femme. Pour dot de laquelle  
, on l'auoit, mais tousiours en  
ain, repeu du Duché de Millan, &  
autres conditiōs; que le Roy son  
ere, ne luy denioit moins facheu-  
mēt, qu'il sembloit guayement li-  
eraliser ses terres, en faueur de l'In-  
nte sa belle sœur aisnée. Le mary  
e laquelle, Albert d'Autriche, il a-  
oit entre autres grandes faueurs,  
ourueu du tiltre & seigneurie du  
omtē de Flandres & des Pays-bas.  
esquels sa Maiesté pouuoit aisē-  
ent recouurer, avec tout ce que  
Roy d'Espagne tient de luy, &  
la France: s'il luy plaisoit em-

*Histoire de la guerre*

brasser, si beau dessein. A quoy Monsieur de Rosny sous-riant, l'asseura, que le Roy son Maistre, ne pensoit qu'à la paix, apres si malheureuses guerres: & à maintenir ses subjects tant harassiez en vn bon repos. Puis à recouurer son Marquisat. Que son Altesse y deuoit contenter sa Maiesté. Et qu'apres, on pourroit parler d'autres choses. Que si le Roy d'Espagne luy faisoit tort, il s'employeroit volontiers pour les accommoder.

Si que le Duc voyant déslors, & tousiours depuis, que le Roy luy confirmoit tout cela: ny treuuant la facilité qu'il s'estoit si legierement promis; soit qu'il fust venu pour l'exécution du traicté de paix: soit pour brasser quelque chose contre le repos del'estat: comme plusieurs de ses portemens firent persuader à aucuns: il commença de congnoistre,

que les tant legers & trop souuent  
mal mesurez desseins des hommes,  
se conduisent, & moins encor  
eüssissent, vne si aisée & tant agrea-  
ble fin qu'ils se sont proposée. Ayant  
par tout à démeller, avec vn tel Prin-  
ce, qui ne veut rien perdre aux car-  
resses & aduantages qu'il permet.  
Sur ce, le Roy voyant le Duc fort  
ennuyé, pour ne sçauoir comme il  
sortiroit à son honneur, d'vn voya-  
ge qu'il trouuoit de plus aysée en-  
trée que d'heureuse yssue. Et sur-  
tout, pour la crainte qu'on ne luy  
fist signer quelque chose cōtre son  
desir: luy fist dire, qu'il ne s'en tor-  
mentast, qu'il ny seroit forcé en au-  
cune sorte. Et s'en pouuoit retour-  
ner aussi entier de volonté, qu'il y  
estoit entré. Qu'il luy tiendrait as-  
surée la parolle de Roy, qu'il luy  
en auoit donné. Et que s'il craignoit,  
l'accompagneroit & feroit escor-

*Histoire de la guerre*

te de sa personne, iusques aux fins  
& limites de son Royaume. Tel-  
lemēt, qu'apres auoir semé aux plus  
grands & notables qui se trouuerēt  
lors en Court, de belles marques  
d'une genereuse liberalité: prōmit  
au Roy le 26. Feurier, pour plus hō-  
nestement sortir de France, de ren-  
dre le Marquisat dedans le premier  
de Iuin, tel qu'il l'auoit pris. Ou de  
laisser au Roy dans ce tēps, la Bresse,  
Pignerol & les valées, à son choix.  
Ce qui fut solennellement signé  
de part & d'autre. Mais comme e-  
stant de retour en ses pays, il fit en-  
tendre à tous, auoir esté forcé à cest  
accord: & par cene demandast que  
delay sur delay, pour effectuer sa  
promesse: ne voulant que gagner  
temps, affin que l'hyuer suruenant  
empeschast le Roy de rien entre-  
prendre pour ceste annee: assēuré  
qu'auant la prinse de l'autre, il luy  
brasse-



rafferoit tant d'affaires, qu'il le for-  
eroit d'auiser ailleurs : Il occasion-  
a le Roy, de penser à le forcer à son  
euoir, apres la patiēce de 70. iours  
plus qu'il n'estoit conuenü, & qu'il  
ut declaré ne vouloir accomplir  
e que ses Ambassadeurs auoient  
resté. Et pour cest effet, se vou-  
it acheminer à Lyon. Où par di-  
erses menées, il eust encor vn de-  
y. Apres lequel, le Roy duquel la  
ouge bonté vers les humbles, ne le  
egnale moins, que la chaude ma-  
nimité, vers les plus hautains; &  
generosité enuerstous, luy fit mā-  
er, que si dans le 10. d'Aoust, il ne  
y tenoit sa promesse, qu'il se print  
our deffié. Tellement que crain-  
e que son trop de bonté, occasion-  
ast au Duc, vn plus grand mespris  
e ses moyens: fit vne solemnelle  
eclaratiō, qu'il n'estoit autheur de  
rupture de la paix, ny cause de la

*Histoire de la guerre*

guerre qui s'ensuiura : ains le seul Duc, auquel il feroit la guerre contre son gré: pour son refus, de luy rédre ce qui appartient à la Couronne des François. Affin aussi, de faire congnoistre à tous peuples, qu'il n'auoit passé l'accord, pour aucune foiblesse de son Royaume: Non plus que de crainte d'aucun peril: moins encor de son ennemy: Mais pour le seul desir d'estre veu, tres-Religieux obseruateur de la paix: fondée sur la foy reciproque des Princes. Laquelle il a tousiours reueré, comme vn autre Soleil du monde, comme la Royne des humains, & le non moins necessaire que honorable lien, pour la conduite de la societé mondaine.

Sur ce, iugeant Monsieur de Rosny, qu'il vouloit encor amuser le Roy: & qu'il valoit mieux pouruoir à la guerre, que de se reposer sur l'at-

tente d'une douteuse paix: Que la  
faison s'escouloit: qu'il ny auoit à  
Lyon aucun preparatif d'armée:  
pressa le Roy de luy donner congé  
pour aller à Paris, y donner ordre à  
tout: & notamment à l'Artillerie &  
aux Finances, que tous iugent estre  
les premiers & plus recommanda-  
bles nerfs de la guerre. Si que par  
une rare dilligence, le Roy se vit en  
trois sepmaines, hommes, argent,  
& munitions bastantes, à un plus  
haut desseing que la conqueste de  
Sauoye.

Sans doute, les plus pratics en la  
militie, ont tousiours appellé la di-  
ligence, mere des plus belles actiõs  
de la guerre. D'autant, qu'elle ne  
tourne seulement les choses estimées  
par le commun impossibles à la  
possibilité: mais aussi, ce qui ne se  
peut comprendre par le vulgaire,  
estre au plus iudicieux aisé à concé.

*Diligence.*

*Histoire de la guerre*

voir, & plus encor à reuestir d'honorables effects. Qui est occasion, que le Populaire les admire comme mignôs de la fortune: à laquelle ils aiment mieux attribuer la source de si estranges opérations, qu'au pouuoir humain. Aussi les plus eloquens des Grecs & Romains, suivis des plus renommez entre leurs descendans, ont dit, & laissé pour maxime assée, fuyans l'erreur commun, que la fortune balançoit les accidens de la guerre. S'attribuât à bon droict, la plus part de l'honneur qui en sortoit. Voire qu'elle distribüoit en forte les occurrences des humains, qu'ils ne faisoient doute, de luy assigner par fois les plus beaux effects de la vertu. Mais, outre l'impieté de se fantasier vne basse diuinité moderatrice de nos actions: Ils s'y sont monstrez, aussi mal propres au mestier de la guerre, que peu versez aux affaires d'e-

at. En ce, que despouillans les plus  
entils de tout honneur, qui doit  
reuer la vertu comme l'ombre le  
corps: ils les descouragent en fin,  
ne chercher par si genereux la-  
eurs, le merite de leurs belles a-  
tions, quand ils le voyent attri-  
bué à d'autre chose qu'à leur tra-  
ail. Et la pratique tant des guer-  
es que des autres actions hu-  
naines, faict assez cognoistre aux  
plus iudicieux, que le Chef y faict  
la bonne ou mauuaise fortune. Et  
pres que la valleur d'aucuns, soit nō  
seulement enuiée, ou teuë, ou bien  
iniquement desniée aux gens  
d'honneur: ains aussi de malice ou  
ignorāce, attribuée à d'autres qu'à  
eux desquels elle procedde: le téps  
tantmoins, plus iuste guerdoneur  
de nostre suffisance que les hōmes:  
tant la verité à son iour, faict en fin  
paroistre, le bien & le mal en pres-

*Histoire de la guerre*

que toutes les suruenues dentre les humains. Mais affin de ne reculer les mieux nez, par vne si longue & peu fructueuse attente. Je dis, que sans parler des autres qualitez, necessaires à vn grand Capitaine: La rare & discrete dilligence du Roy à preuoir, pouruoir & gouverner toutes choses les plus necessaires en ceste guerre: Puis de Monsieur de Rosny à preparer, conduire & mener à fin sous les vertueux commandements de sa Maiesté, presque les plus importans traiets particuliers d'icelle: vous fera voir, non seulement que ceste grace fut segnalée entre toutes les plus notables occurrences de ceste entreprinse: cōme elle fit ez hauts desseins des plus renommez, & peut estre les plus grands Capitaines du passé. Mais aussi, que le merite, que plusieurs firent voir ez diuers & tres-sigalez

orts de leur vertu: ombragé sous  
brillant esclair de telle soudaine-  
eust esté sans ce discours, couuert  
quelque hazard, ou rapporté à  
autre but que le sien naturel: ou  
ut estre, resté comme enseuely  
r le tēps & nonchalance de ceux,  
i le deuoient retirer de l'ingrat  
bly: pour le faire connoistre à  
us, & reconnoistre par ceux, à  
onneur & profit desquels il fut  
aticqué.

Or, comme les plus beaux effects  
e la guerre, sortent des surprises  
quelles l'ennemy peut plustost  
oir que preuoir sa ruine: comme  
ous ont montrées braues Capi-  
ines du passé, qui entreprenoient  
executoient presque en mesme  
mps: la dilligence, vraye mere de  
aduantageuses actions, fut si grā-  
e à preparer, pour uoir, à chemi-  
er & disposer l'armée pour la des-

*Histoire de la guerre*

puceler par quelque notable exploit, afin que ce premier traitt, seruist de certain presage aux armées de ces Princes ennemis, pour les eschauffer & refroidir à la poursuite des choses auenir: que le Roy Tres-Chrestien, ayant mais toujours en vain, attendu la fin de tât repetées promesses du Duc, les deux plus importantes places de Bresse & de Sauoye, furent surprises: & sans perte notable, heureusement enleuées par Messieurs de Biron, Marechal de France, & Lefdiguières Gouverneur en Dauphiné. D'autant plus recommandables Generaux d'armées, qu'acoustumez, comme genereux disciples de ce grãd Mars Henry III. à s'uyure plus qu'à deuançer la gloire, que tant de vertueux effects poussent deuant eux, pour digne guerdon de leur merite: Ils semblent



plent attendre, bien qu'ils deussent  
plustost choisir celle de tant de bel-  
es plumes Françoises, qui puisse  
plus suffisamment représenter, leur  
non moins naturelle, que discre-  
te valeur.

La Bresse, prenant sa longueur *Bresse.*  
l'environ 50. lieues, & le quart de  
largeur entre la riuere du Dain, les  
pais de Nantua, Sainct Maurice, &  
autres qu'elle a pour ses limites à  
Oriët: cōme la riuere de la Saone,  
& le Masconois au delà pour son  
Occident: borne les terres du Du-  
ché de Bourgongne au Nort, & le  
yoinois au Midy: se faisant remar-  
quer, par le bon air & fertilité de sa  
terre, plus que pour autre chose ra-  
re. Bourgen est la Capitale ville, *Bourg.*  
commandée par l'une des plus for-  
s & mieux munies Citadelles des  
aules. La nuit du 10. d'Aoust, la-  
elle finissoit le iour limité au

*Histoire de la guerre*

Duc, pour l'effect de ses tant reïterées promesses, Monsieur le Marechal se trouua avec enuiron douze cents hommes deuant Bourg Capitale du pays Bressan. Laquelle il at-  
taqua par esquallade & autres efforts, si gaillardement, que six cents hommes treuuez sur les murailles pour la deffence de la place, ne peurent empescher, que le petard ne fît assez d'ouuerture à ceux qu'il auoit ordonné pour le seconder, & y entrer apres que ce bout de canõ auroit ioué. De sorte, que se voyât dedans, sans autre perte que d'un soldat: apres la deffence d'un pillage general & commandement de suyure les Chefs: ne s'employa qu'à poursuiure ceux qui se presentoiēt pour l'arrester, tirant vers le Chasteau, qu'il eut bien desiré prendre d'une mesme desmarche: Mais se voyant retardé, tant par l'ignorance

ge des lieux & aduenüës de la place,  
que par l'obscurité de la nuit, &  
retraite des premiers qui s'y estoient  
à sauuez pour l'asseurer par le gua-  
rand de leur vie: se contenta d'auoir  
furieusement rembarré d'as ce fort,  
tous ceux qui ne voulurent plöyer  
à ses commandemens. Qui furent  
de maintenir l'honneur, les biens, la  
vie, & toutes autres commoditez  
des habitans, lesquels prefererent la  
recongnoissance de la fleur de Lys,  
à la Seigneurie du Duc de Sauoye.  
Puis, licentia les deux cents Suisses  
que le Duc y entretenoit pour la  
seureté de la place. Les laissant aller  
en liberté, sans raçon, & chargez de  
tout ce qu'ils monstrent leur ap-  
partenir. Ce faict, curieux de mes-  
nager le temps, l'argent & l'armée,  
qu'il y eust salu pour battre & gai-  
gner si forte place: & ne faire be-  
oin à son Prince, demeurant ou

*Histoire de la gnerre*

moindre que luy suffiroit : referra si dextrement & par forme d'assuré blocus, les' retirez dedans le fort; qu'ils n'eurent depuis moyen d'en sortir qu'à leur desaduantage: & avec beaucoup plus d'enuie d'y reuoir le dedans, qu'ils ne s'estoient auançez au dehors: par le bon deuoir qui fit le sieur de Saint Angel, qu'il y laissa pour commander aux troupes, iusques à l'effect que vous entendrez en son lieu.

En mesme temps, & la nuit suyuant l'exploit de Bourg, le Roy ayât fait entrer son armée en la Sauoye, la voulut entamer par la prise de la principale & plus importâte place de toute la Prouince. Et pour cest effect, auoit enuoyé le sieur Desdiguieres avec nombres d'Enseignes, & quelque Caualerie legere, pour forçer Môt-melian. Mais pour mieux vous faire conceuoir

es plus notables accidens , qui se  
passerent en ce païs: me semble tres-  
necessaire, de le vous représenter au  
plus pres du naturel.

La Sauoye, posée entre les 44. & *Sauoye.*  
45. degrez de la Gaule Celtique:  
en païs presque tout montüeux &  
peu fertile, comme pierreux, froid &  
humide: a pour bornes le cours du  
Rofne au Nort & Occident: vne fil-  
liere des Alpes à l'Oriët: & le Dau-  
phiné au Midy. L'Isere luy est la  
1<sup>re</sup> notable de ses riuieres. Laquelle  
sortie des Monts voisins del'Vne-  
bourg, trauerse & rend assez fru-  
ctueuse la Morienne. Puis accreuë  
entre Grenoble capitale du Dau-  
phiné, des eaux d'autres diuerses ri-  
uieres, ou à mieux dire des gros &  
petits torrens, formez de tant de  
neiges fonduës, que les testes & pé-  
lans de ces montagnes y distillent:  
e pert au Valentinois pres Tour-

## *Histoire de la guerre*

*Le Rosne,  
qu'aucuns  
appellent le  
Roy des fleu-  
ves de la Frã-  
ce.*

non dedans le Rosne. Lequel aussi mal cognu en l'origine de son nō & de ses eaux, que renommé des Grecs & Latins, par la force d'icelles: Et plus recommandé par les grandes cōmoditez qu'il porte aux Gaules, Italie & pais voisins: semble lors redoubler la violente rapidité de son Cours, cōme pour se haster de rendre sa portée au dessus d'Arles à la mer Prouéçale, autrefois dite Gauloise & Ligurine: Auiourd'huy mer de Leuant par les Italiens & autres, qui trafiquent le plus sur icelle, avec les peuples qu'on appelle & qui nous sont, estrangers de pays, de mœurs, naturel & religion.

*Mont-mel-  
lian ville.*

Mont-melian est l'une des principales & plus renommées villes de la Sauoye. Estenduë sur vne plaine que resserrent aussi tost les mōts voisins. Contre laquelle passe l'Isere, qui luy preste ses eaux pour en

accommoder ses habitans. Elle est petite, ceinte de foibles murailles, mal percée & aussi peu flanquée, incommodément bastie. N'est mesme si bien peuplée qu'anciennement, pour les incommoditez que les guerres passées luy ont apporté: point que les naturels, simples & montagnez, n'aimét non plus que firent oncques leurs deuançiers, ny tout le reste des Sauoyens, le bruit des armes. Moins encor les alarmes. Et hayent mesme tous effectz guerriers, pour les raisons que i'ay ledit ailleurs. Au reste, elle est auourd'huy plus renommée par la force de sa Citadelle, dont nous parlons cy dessous, laquelle luy commande & à tout le voisinage: q̃ pour trafic qui s'y face, ni richesses qui s'y reuuent: non plus que pour grands esprits, ciuilité, gẽtilesse ny aucune chose notable, qu'on y aye peu re-

marquer.

Comme le sieur Desdiguieres eut veu, que toutes les troupes auoient fourny au Rédé-vous, pour la surprise de ceste place : il commanda le 17. d'Aoust au sieur de Crequy son gendre, d'y mener son regimēt, qu'il faict soustenir par la Caualerie legiere, suyuant pas à pas, avec le reste. Lequel donna si resolument & à propos sur ceste place, que la garnison, n'ozant ou ne pouuāt luy faire teste : & forcée de se tapir dans le Chasteau, luy laissa en fin l'entrée & commandement libre par toute la ville. En laquelle, le Roy ayāt disposé les affaires selō qu'il en voyoit le besoin : fit auancer l'armée vers Chambery, Capitale & Parlement, ou à mieux dire, Senat & siege du dernier ressort de la Prouince. Selon le repartement qu'il auoit faict dès le commencement de ceste guerre,



uerre, d'employer Monsieur le Duc de Birõ, aux exploits de la Bres, comme vous auez veu. Le sieur esdiguieres à ceux de la Sauoye: esseruât sa presence tât pour la prise de la capitale, que des autres places du païs ennemy. Tellement qu'il voulut tout ordonner pour le siege de batterye de Chambery. Et bien que le Duc, y eust laissé de quatre à cinq cens hommes de guerre, qu'il s'esperoit estre assiste de des habitans: pourueuz d'ailleurs de ce qu'il iureoit, leur estre necessaire à maintenir la place, du moins à temporiser & tirer ceste guerre en lógueur, en laquelle il móstroit assez, auoir plus d'esperoir qu'en autre chose: la ville toutesfois ne fust plustost inuestie par la Cauallerie legiere, nombre d'arquebusiers commandez par le sieur de Grillon, digne Maistre de Camp du Regiment des Gardes:&

*Histoire de la guerre*

les premieres troupes d'infanterie, lesquelles ne furent chiches d'harquebuzades, qu'avec les fauxbourgs, la ville ne fust aussi tost gagnée & ouuerte à sa Maiesté, pour de mesme chaleur mener, placer, charger, pointer & faire vomir huit canons contre la garnison, & autres qui s'estoiēt la ville prise, retirez au Chasteau. Lequel ne se treuua plus fort, ny mieux pourueu que la ville. Car les assiegez, s'espouuanterent à la veuë de ces huit canons de batterie, & autres preparatifs de Monsieur de Rosny, aux furies desquels ils n'estoient tous accoustumez. Puis demanderent à parler. Si que le 23. d'Aoust, ils eurent congé d'en sortir, l'enseigne d'esployée, tabours batants & bagues sauues, si le Duc ne les secouroit d'armée suffisante, à les desgager du siege dedans huit iours. Terme que le Roy entré

En la ville, leur accorda expres. Affin  
 qu'ils n'eussent moyen, s'ils feussent  
 lustoit fortis, de se ietter dedans  
 les autres places qu'il vouloit assie-  
 ger. Lesquelles s'en fussent d'autant  
 enforçées & réduës de plus facheu-  
 se prise. Et aussi, qu'il vouloit profi-  
 ter si belle occasion, comme offerte  
 du Ciel, à poursuiure ses beaux cõ-  
 mençements, en pareille & si aisée  
 conqueste, de toutes les autres pla-  
 ces de son ennemy.

Nos vieux peres, si non tant es-  
 uillez ny courageux, cõme aucuns  
 disent: certes plus auisez que nous:  
 ont tousiours biẽ dit, que l'on pou-  
 uoit tirer du bon ou mauuais com-  
 mençement, assure presage de l'a-  
 uenir. Pour ce que ces premiers  
 traiçts, font iuger aux plus auisez,  
 non seulement de la suffisance des  
 Autheurs d'iceux: ains aussi de la  
 faueur du Ciel, qu'ils croient grã-

*Commence-  
ment est pre-  
sage au sur-  
plus des hau-  
tes entreprin-  
ses.*

## *Histoire de la guerre*

de ou petite enuers eux, par l'issuë de leurs premiers desseins. Esquels par consequent, ils sont suyuis ou abandonnez d'un chacun. Somme que l'armee du Roy, prenoit si grand plaisir en la continuë de si beaux exploits, & s'esleuoit mesmes à si hautes esperances, qu'elle ne tenoit aucun dessein, que son Prince peust faire, impossible. Feust-ce à renouveler les vieilles pretétions de Naples, par vne aussi prompte cōqueste de l'Italie, que furent non seulement celles de tant de braues Chefs Gaulois, ny mesme des premiers François, qui semblent par le simple discours de nos pauvres Historiens, y auoir entré pour s'esbatre plus que combattre aucun ennemy. Mais de celles de Charles 8. & des Roys ses successeurs, qu'il laissa toutesfois, heritiers peut estre, de ses passions, plus que de son bon-heur, ou de

la suffisance des Seigneurs & Capitaines qui luy assisterent à l'heureuse entrée, non moins qu'à la valeureuse sortie d'icelle.

Le mesme effroy des armes Francoises, fit rendre ceux de Conflans, *Conflans.* apres s'estre fait battre de deux canons: quand il les virent & sentirēt aussi tost placés, que pointés & voir leur rage contre leurs foibles deffences, qui ne peurent empêcher la breche raisonnable. Pour remplir laquelle, le Roy estoit prest de faire marcher troupes jà esleuës. Si la garnison de douze cents hommes de guerre, preferant l'incertain euenemēt d'un furieux assaut, à l'honneur assuré d'auoir en bons guerriers, du moins tasté la valeur des ennemis: n'eust mieux aymé eschāger le commandement de la place, la liberté de la vie, & bagues fauues, qu'on luy permit d'emporter.

## *Histoire de la guerre*

*Myolant.*

Le Chasteau de Myolant, est esleué sur vn haut rocher inaccessible de tous endroiçts, pour les effroyables precipices qui l'enuironnent. Il a, le cours de la riuiera Isere à son pied, pour mieux en accômoder sa garnison. Fort estroit au reste, mal logeable & referré. Bien renommé au pais neantmoins. Comme place de grande importance aux Ducs de Sauoye. Au ssi s'en sont les predecesseurs de Charles Emanuel, seruy pour seure garde des personnes notables, ou qui leur importoiét plus. Suyuit toutesfois l'exemple de Cōflant. Car les y referrez, aymerent mieux iouër au plus seur, qu'esprouer les premieres boutades des François armez à leur ruine.

*Charbonniere.*

Le Chasteau de Charbonniere des plus renommez de tout le pais, doit prendre le nom de fort plus que de Chasteau, ny d'autre domi-

ile. Car ce n'est presque qu'un ro-  
cher haut esleué. Plus assésuré par le  
naturel du lieu qui ne luy donne au-  
cune aduenüe, que par artifice ou  
bastiment, qu'on y aye iamais fait.  
Car il est de tous costés inaccessible,  
hors du petit chemin & sentier or-  
dinaire qu'on y a fait, par un long &  
port opiniastré labeur, pour aller à la  
porterie. Le Roy toutesfois, qu'au-  
cuns disoient comme de Cæsar, cõ-  
mander plus qu'obëir à sa fortune:  
sachant la place pourueüe de tout  
besoin pour arrester vne grosse  
armée, y fit acheminer ses troupes.  
Ils dresser deux bateries de neuf  
canons, placez deçà & delà l'eau.  
Si que les assiegez, se voyans battus  
de huit cens coups de canons, &  
sans espoir de secours humain,  
capitulerent le 10. de Septembre  
pour en sortir sans drapeaux, me-  
ches esteintes, & bagues sauues.

*Histoire de la guerre*

Mais comme les sieurs de Rosny, Villeroy & de Morges Marechal de camp, se feussent auãgez iusques à la porte, pour arrester, puis effectüer la Capitulation: Aucuns des assiegez, plus aduisez ou courageux, firent changer la resolution du traicté. Qui ne leur deplaisoit, que pour s'y voir priués de leurs drapeaux: la plus honorable, bien que moins fructueuse marque de tant infortunez soldats. Enuoyerēt mesmes quelques harquebuzades sur les François. Toutesfois, voyans la batterie recommencer, se refroidirent assez tost: choisissans pour le plus assleuré, d'en sortir en nombre de deux cents hommes de guerre, qui se disoient reseruez pour faire mieux en autre lieu.

*L'an 1597.*

Ceste place auoit esté prise par le sieur Desdiguieres sur le Duc, lequel depuis l'assiegea, batit & atta-

qua



qua si viuement, qu'en fin il s'en fit  
maistre. Et comme il sceut que le  
sieur de Crequy s'estoit fort auacé,  
pour le secours des assiegez, avec  
600. Caualliers, & 15. cens harque-  
busiers leuez en Dauphiné: il les fut  
charger de telle sorte, qu'apres la  
deffaicte de 5. à 600. hommes, tout  
le reste fut dissipé & mis en route, à  
travers les neiges de ces môtagnes:  
la hauteur desquelles les empeschâs  
de se sauuer, leur fut occasion de se  
redre, & le sieur de Crequy mesme,  
ne sauue. Avec serment de ne por-  
ter les armes de deux ans contre le  
duc. Qui autrement les menaçoit  
de les tailler en pieçes.

Cependant, la guerre se demeu-  
roit en autres endroits. Car le Roy,  
si d'une mesme iudicieuse cha-  
r, preuoyoit & pouruoyoit en-  
semble à toutes choses: considérât,  
que le Duc ne comparoissoit, qu'il

## *Histoire de la guerre*

ne voyoit & n'entendoit aucun acheminement d'armée ; ny pour l'engager à combattre, ny pour le retirer du siege & prinſe d'aucune place : auoit enuoyé le ſieur Deſdiguieres avec ſes troupes, le regimēt des Gardes, les Suiſſes & 4. canons pour s'ouuir le reſte deſaueuës du païs, ſelon les deſſeins qu'il en auoit fait à ſa Maieſté. Comme celuy qui pour auoir de longue main, & preſque touſiours heureuſement fait la guerre en ces cartiers, & contre le Duc meſme: reſcōnoiſſoit mieux les adueuës & le dedās du païs, qu'autre qui fut. Tellement que n'y treuuant plus de difficultez qu'aux entrées : il print aſſez toſt Sainct Iean de Morienne : puis les autres forts eſleuez en ces quartiers, iuſques au Mont Senis & la vallée de Morienne. Ce fait, paſſant la montagne entra dedans la Tarantaife, où il print

Monstiers, ville principale, le fort de Briançon, le fort Saint Iacomôt & autres. Si bien, qu'ayant netoyé toutes ces vallées, & montagnes de garnisons ennemies: ne restoit à sa Majesté, que le Chasteau de Montmelian, tenu imprenable à tous autres guerriers. Pour l'auoir tousiours eue hors de mine, d'escale, de surprinse, de batterie & sous la force duquel, s'estoit iusques la reposee toute la Sauoye. Puis le fort Sainte Catherine, que le Duc auoit esleuee deux lieues de Geneue, pour brider les sorties des habitans: & commander au pais s'il ne pouuoit donner loix à la capitale d'iceluy. Pour cest effect, ayant desia enuoyé le Duc de Sancy avec quelques trouues, pour reserrer plus qu'assiéger la garnison ennemie: Et donné ordre que les siens fussent assistez de tout besoin par les Geneuois, puis

*Histoire de la guerre*

qu'ils estoient fauorisez par ce dessein: fit marcher la plus part de son armée droit au Chasteau de Montmelian, que le sieur de Crequi commandant à la ville, auoit reserré au mieux de son pouuoir. Le Roy arriué fit sommer le sieur de Brandis Gouverneur de la place, pour se rendre & y receuoir ses commandements: le menaçant de la furie de quarante canons: dont il en fit aussi tost amener, placer & accommoder trente deux: apres auoir par plusieurs fois, faict soigneusement reconnoistre la place & ses auenuës par Monsieur de Rosny, entre autres. Lequel accommoda son artillerie en plusieurs endroits deçà & delà l'eau, pour y faire diuerses batteries selon la recongnissance qu'il en auoit faicte, avec grandes peines & hazards.

*Mont-melian  
Chasteau.*

Le Chasteau de Mont-melian,

couure la teste d'une haute montagne, deffenduë de diuers & s'y faſcheux precipices, que toutes les aduenües en ſont de fort mal-aiſez accez. Il eſt compoſé de cinq gros baſtions, reueſtus, bien flanqués & entretenus de nombre de tenailles de meſme eſtoffe. Bien percé, aucune-  
mēt fosſoyé du coſté de la ville ſeulement. Pourueu de tout le beſoin, & à l'aduantage d'une groſſe garniſon qu'on y peut tenir. Bien que le Duc ny entretint lors q̄ 300. ſoldats mortpayes, ſous la charge du ſieur Comte de Brandis, l'un de ſes naturels ſuiets. Il a pour ſes cōmoditez eau d'un bon puits, creuſé en la montagne. Et la ville qui luy eſt aued, ſ'abreuue del'Ifere que ie vous  
repreſenté cy deſſus. L'aduenüë  
il preſte du coſté de la ville, eſt  
ez mal-ayſée pour ſi peu deffen-  
ë qu'elle ſoit. Comme retrachée,

*Histoire de la guerre*

flanquée & pourueüe de son pont-leuis. La ville & le Chasteau sont deçà l'eau, estendus sur vne petite plaine, que les hautes montagnes reserrent de toutes parts. Au pèdant de l'une desquelles, se voit vn fort roide coustau de vigne. Sur le haut duquel neantmoins, M<sup>o</sup>sieur de Rosny, fit à force de bras monter sept canons, pour commander au Chasteau & y battre en ruyne. Puis en mesme plaine, & sur le pied de ce coustau, fit dresser par le sieur de Bords son Lieutenant General à l'artillerie, deux autres batteries, tât cōtre le bastion de Mauuoisin, que ez autres endroits qu'il iugeoit les plus batables. Et notamment celle qui donnoit au bastion Bouillars. Laquelle, pouuoit aussi battre vne vieille tour ou donjon en forme quarrée & presque ruinée, pour auoir autresfois esté batuë par l'ar-

mée du Roy François premier du nom. Il fit aussi, deux autres batteries dedás la ville & dehors la porte, pour donner où il verroit le besoin. Les deux batteries de delà l'eau, donnoient dans le bas-fort & dans le portail du donjon, en ruyne sur ceux qui fortiroient, lesquels se mettans en gros ou autrement, se voudroient disposer pour venir à assaut, & y deffendre la breche. Ce qui estonna plus les assiegez, qu'autre chose. Lesquels cependant, bien pourueuz d'artillerie & autres munitions, n'estoient chiches de canonnades. Estans ces preparatifs de batterie bien aduançez: le Roy fit de chef sommer les assiegez de se rendre, ou que tout seroit exposé à la furie de tant de canons, & mercy des soldats, qui ne demandoiét que pillage de si renommée place. Mais comme l'on tastoit les murailles, le

Comte demanda trefues pour cinq iours, dans lesquels en fin il capitula pour sortir, luy & ses gens vie & bagues sauues, enseignes d'esployées, tambours batans, balle en bouche, harquebuzes chargées, meche allumée, & pourueuz de ce qu'ils pourroient porter de munitions de guerre, sans estre fouillez: si le Duc ne les secouroit dedans vn mois. ce qui luy fut accordé. Et outre ce, d'enuoyer vn Capitaine vers son Altesse, pour l'aduer tir de tout. Lequel retourné & voulât entrer, fut arresté, sur le bruit qu'il auoit charge de faire rompre la capitulation, & peut estre de poignarder le sieur de Brádis. Sur ce, le Roy desirant aller en son armée, sur la veille de la reddition de la place, enuoya prier le Côté sieur de Brandis, de permettre au sieur de Crequy, d'entrer au Chasteau avec trente soldats seulement.

Qui



Qui ne l'eust si tost accordé, que le nombre de ceux lesquels y entre-  
rent à la suite des premiers, luy dō-  
na assez occasiō & de courage, pour  
en rendre maistre, & y donner le  
mot dez le soir.

Surquoy, se formerēt diuers pro-  
pos entre tant de personnes, qui se  
reuoiēt aussi differents de condi-  
tions, que de naturels & suffisances  
en telle armée. Presque tous neant-  
moins, admirans si soudaines & tāt  
cées prises de telles places: estoient  
à fin contraints de confesser, que  
plusieurs graces sont requises à for-  
mer vn grand Capitaine. Entre les-  
quelles, l'Autorité n'estoit des  
moindres. Laquelle, luy vient de la  
reputation de ses merites, plus que  
d'autres choses. Car le bruit de ses  
victus, eschauffe, refroidist: anime,  
s'onne: pousse, retient: faict en som-  
me, tout ce qu'il veut du cœur, des

*Autorité  
d'un General  
d'armee. Sa  
source & ses  
grands effets.*

*Histoire de la guerre*

esprits, de la valeur & suffisance de tous ceux, auxquels il s'adresse : Ce qu'on voit assez, par les exemples du passé & du présent. Car, comme le merite de nos actions, se iuge par rapport des vnes aux autres bien souuent, plus que par droicte congnissance de la verité d'icelles: plusieurs disoient, que le Roy s'estoit assuietty des places du tout imprenables, quand elles n'eussent esté deffenduës que par enfans, & à coups de pierre. Si que les Grecs & Latins, bien qu'aussi prompts admireurs de leurs petits accidens, que mespriseurs de ceux des Forains: l'en eussent appellé mignon de fortune. Ainsi qu'ils firent Alexandre le grand, Cæsar & autres. Et ores qu'assez de gens croyent, que Alexandre ne fust tel, que les historiës Grecs & Latins le despeignent: cōme les Princes ne furent oncques,

& ne feront iamais vers la pofterité  
 autres, que ce qu'il plaira au plu-  
 mes de les faire : fix Couronnes  
 telles que la Macedonienne toutes-  
 fois, ny l'Empire fur tous les Grecs,  
 ne luy eust fçeu moyenner la redi-  
 tion fi prompte, de la haute roche  
 qu'Arimazes Sogdiã, gardoit avec  
 rente mil hommes: comme esti-  
 mée de tout temps imprenable, fi  
 haut efleuée en l'air, fans auenüe &  
 par ainfi hors de mine, d'efcale, ba-  
 rerie, furprife & de famine, l'ayant  
 emply de meilleurs hommes de la  
 rouince, & muny pour deux ans  
 de tout le neceffaire. Non plus que  
 la roche Aorna fi bien pourueüe, e-  
 stimée pucelle de tous temps, qui  
 mocqua mefme des defirs & def-  
 ins du Prince Hercule, nommé  
 par les Grecs Dompteur del'Oriẽt,  
 à vn trẽble terre força de la quit-  
 ter. Comme vouloit faire Alexan-

2. Cur. 7.  
 & 8. des gẽs.  
 d'Alex.

*Histoire de la guerre*

dre, apres la perte des meilleurs des siens, qu'il voyoit miserablemēt precipitez du haut en bas, par les assiegez en ceste roche: s'ils ne se fussent pluſtoſt deſcouragez de ſouſtenir, pour s'enfuir la nuit ſuiuant, crainte d'un ſecond aſſaut: qu'Alexandre de leuer le ſiege. Qu'il cōtinua toutesfois, pour monſtrer qu'il ne ſe vouloit retirer de crainte d'eux, ou faute de moyens de les oſſenſer: ains pour chercher nouueaux preparatifs à les aſſuieſtir. Comme il fit la treuuant vide des habitās. Moins encor, ſi ſoudaine & tant ayſée conqueſte, de la grande Aſie. En laquelle, ne treuuant reſiſtance notable, apres la hazardeuſe bataille de Granicum, il ſembloit auſſi aiſement que les Mareſchaux, marquer les logis, & poſades de ſon armée: ſi le bruit de ſes chaudes & nompareilles vertus, n'eult eſtonné, la froide

resolution de tous les *Asiatiques*. Comme celles de Cæsar, firent en-  
tre les Gaulois, ez sieges de Gergo-  
nie, Alezie, & autres places des  
Gaules inaccessibles à tous autres,  
mais aisées aux seules & incroyables  
vertus, du plus grãd guerrier des Ro-  
mains. C'est pourquoy, les pl<sup>r</sup> iudi-  
cieux & pratics en la militie, ne treu-  
uoient estrãge, comme le vulgaire,  
qui admire tout, pour si peu esloi-  
gné qu'il soit de l'ordinaire,) la tant  
oudaine capitulatiõ de Mont-me-  
lian. Imprenable à bien dire, à tout  
autre, qu'au Prince, les valeurs du-  
quel, courãt par tout l'Vniuers, cha-  
cunüillent assez, les esprits de toute la  
Chrestienté.

Estant la place ainsi gagnée &  
pourueüe dès le 16. Nouëbre 1600.  
contre l'esperance de tous: nombre  
es plus guerriers remarquerent,  
l'importance d'vne iudicieuse re-

*Histoire de la guerre*

congnoissance. Soit de place, ou de desmarche, & acheminement d'une armée. Soit des armes, du nombre & de l'estat des ennemis. Autant que des aduenuës & qualitez des pais, ou de telle autre chose de guerre. En ce, que bien ou mal recongnuë, elle moyenne presque toujours, au General vne bonne ou malheureuse yssue de son entreprise. La lecture bien pesée des belles histoires, nous le persuade assez: mais la praticque en assure ceux, qui sont eschappez de tels hazards, qui s'y presentent. Ce qui les fit tous iuger, qu'elle auoit esté soigneusement recongnuë par Monsieur de Rosny. Voyant qu'on pouoit faire breche au bastion de Mauuoisin, qui n'estoit tout rempli, comme aussi estoit vuide, la vieille tour quarrée. A l'endroit de laquelle y a vn costau de vignes, par lequel on

pouruoit monter à l'assaut. Recon-  
gnurent aussi aucuns, que le Com-  
te, n'estoit tant à blasmer de sa sou-  
ueraine capitulation. Pour ce que, iu-  
geant qu'il seroit bien tost empor-  
té, il pensa mieux seruir son maistre,  
luy donnant vn mois de temps à y  
pouruoir. Ayant mesme si peu  
d'hommes: & de naturels du pais,  
non accoustumez aux aubades de  
tant de canons. Car il faut du moins  
sept à huit cens hommes à la garde  
de telle place. Joint qu'il se souue-  
noit, auoir souuent enuoyé aduer-  
tir le Duc de sa necessité & fautes  
d'hommes. A quoy il n'auoit vou-  
lu remedier: ne luy mandant autre  
chose, sinon qu'il ne se donnast de  
peine. Dont le Roy se persuada,  
que le Duc n'estimoit, que sa Ma-  
jesté luy deust faire guerre de ceste  
année, veu qu'elle estoit si auancée.  
Se fantasiant, qu'il iroit à Marseille

*Histoire de la guerre*

recueillir la Royné venant d'Italie. Et que la saison de faire la guerre s'escouleroit. Ou, comme d'autres l'excusans sur la cognoissâce de son naturel, le font si lent, tant considéré & iudicieux, qu'il se treuve mieux fortuné en dilayant & mesnageant les occasiōs comme elles se presentent, que en laissant aller chose qui soit à la fortune. D'autres le maintiennent si respectueux vers l'Espagnol: tant obligé; voire interessé à luy, pour les diuerses esperances esquelles on le sçait entretenir: qu'il n'a iamais rien voulu hazarder, sans estre bien asseuré des moyens, autāt que de la bonne volonté de ce Roy son beau-frere: en l'attente de laquelle, il a tousiours mis tout l'espoir de ceste guerre. Il y en a, qui le disent tellemēt possédé par certains Astrologues & Deuins, qu'il regle & mesure, les euenemens de ses desseins



effeins à leurs predictions. Et notam-  
ment de celuy, qui l'asléura y a  
quelque temps, qu'il ny auroit dans  
l'Esp. d'Aoust aucun Roy en Fran-  
ce. Ce qu'il interpreta (comme fit le  
Roy Cresus son infortuné passage  
au fleuve Halis contre Cyrus) à son  
désauantage. Voire l'embrassa de tel-  
le curiosité, qu'il ne pensa seule-  
ment estre deliuré de tout ennemy  
de ce costé: ains aussi qu'il s'en fe-  
roit Roy. Veu notammēt les droits  
pretentions, par lesquelles nous  
auons dit, qu'il s'estoit iusques icy  
eualu sur les François. Avec les-  
quelles, aucuns ioignent les auis  
qu'ils disent auoir receu de quelque  
vieux Turcs remuēments, pratiquez en  
le Royaume le Roy absent, en fa-  
ueur du Duc. Lequel ne confide-  
nt la malice, vanité, mensonge &  
siours douteuse incertitude de  
ces diuinatiōs: donna par sa lenteur;

*Rencontre du  
Roy, sur la  
prediction  
d'un Devin  
du Duc de  
Sauoye, qu'il  
ny auroit Roy  
en France dás  
le 15. Aoust,  
1600.*

assez d'occasions au Roy de dire  
contre luy, & ses deuins qui l'auoiēt  
si fort enchanté: qu'ils auoient bien  
dit, & luy mal pensé, plus mal creu,  
& encor plus mal effectué ses de-  
sirs. En ce que dés le 15. d'Aoust il ny  
auoit eu aucun Roy en Frãce. Mais  
il en estoit volontairement sorty,  
pout faire bonne chere, & cōman-  
der au milieu de la Sauoye: & aux  
despens du Seigneur, qui la deuoit  
mieux garder. Ainsi le Duc, tirant  
par telles ou autres diuerses occa-  
sions, toutes choses & notamment  
la misere, tant siēne que de ses pau-  
ures subiects en longueur: donnoit  
assez beau jeu au Roy Tres-Chre-  
stien, de faire par tous ces païs, tout  
ce qui luy venoit plus a gré.

Or, comme sur l'attente de l'yssue  
de ceste capitulation, le bruit cou-  
rust, que le Duc passoit le mont S.  
Bernard, avec son armée: le Roy a-

oit enuoyé M<sup>o</sup>sieur le Comte de  
soissons (aux non moins notables  
vertus, que si souuent tesmoignée  
delité duquel il se reposoit du  
tout) avec la caualerie vers Beau-  
port. Tant pour s'asseurer du passa-  
ge, que pour esslargir l'armée, y faire  
iurer la caualerie plus commodé-  
ment: & au reste si porter selon les  
occasions, attendant sa venue. Et  
en mesme temps despecha le sieur  
Desdiguieres à Monstiers, avec n<sup>o</sup>-  
tre de troupes pour arrester l'enne-  
my, & faire la guerre à l'œil. Peu a-  
pres le sieur Desdiguieres aduertit  
le Roy, que le Duc s'auançoit par le  
val d'Osse, passoit le Mont saint  
bernard, & s'estoit logé à Esme. Ce  
qui occasionna le Roy, de mander  
vuidain à M<sup>o</sup>seigneur de Soissons,  
s'il s'acheminast à Monstiers. Ce  
qu'il fit, puis le Roy s'en alla de Châ-  
tery à Mont-melian, pour y atten-

de la reddition de la place.

Le Roy, ayant donné ordre à Mont-melian : partist dès le lendemain matin, sans entrer dás le Chasteau, pour s'en aller reuoir son armée. Laquelle treuuât aussi delibérée qu'il desiroit, n'auoit autre dessein que chercher tous moyés pour voir les ennemis de prez, par diuerses recõgnoissances qu'il y enuoya faire en plusieurs endroits. Mais tout estoit tant abreuué & couuert de hautes neiges, qu'il luy fut impossible d'y faire autre chose, que d'en regreter la commodité : & employer ce pèdant pour tenir les soldats en haleine, quelques troupes pour attaquer diuerses places. Entre autres la tour de Villette : Et quelques corps de garde placez sur les aduenuës des montagnes prochaines, que le Regiment de Nauarre rōpit assez tost. Quoy voyant

& asseuré par bons rapports, que le Duc, arresté par mesmes incommoditez du temps & des lieux, ne pou-  
roit autre chose que ruiner, du moins fort incommoder son pais propre, ses subiets & son armée: lais-  
sant le sieur d'Esdiuieres à Montiers, pour cōmander avec ses trou-  
pes au pais de la Tarantaise, & y en-  
prendre selon les occasions, ius-  
ques à ce que le Duc se retirast: s'en  
alla avec le reste de son armée, pour  
asseurer du fort sainte Catherine.  
Il auoit premierement enuoyé le  
sieur de Sancy, dresser vn regiment  
de Fantassins, sur le pais, pour reser-  
uer la garnison du fort. Puis le Sieur  
de Vitry, avec les regimēts du Che-  
ualier de Montmorécy; des Corsés  
& autres troupes. Mais en fin,  
M<sup>o</sup>seigneur le Comte de Soissons  
y achemina, avec M<sup>o</sup>sieur le Ma-  
eschal de Biron, cōduisans le reste

des troupes.

*Fort S. Catherine.*

Le fort Saincte Catherine, prenant forme pêtalone non reguliere, & en sit propre à la fortification, estoit basti sur vn haut tertre, qui descouure sans aucun empeschement toutela campagne. Composé de cinq bastions non reuestus: fousloyé pourtant & accommodé de tout le besoin : à deux lieuës de Genesue: maintenu par six cens hommes de guerre, dont les deux tiers estoient Suisses. Peu deuant l'arriué du Roy, vn des Capitaines assiegez en estoit sorty par la permission de sa Maiesté, pour aller vers le sieur de Nemours, retiré en la maison d'Anicy, afin que sous le bon plaisir du Roy, il peust passer ceste guerre sans desplaire ny preiudicier à son cousin le Duc de Sauoye. Le Roy luy enuoyafoudain vn exempt des gardes, pour le luy amener à Leluyfel,

vn quart de lieue du fort où estoit  
logée la Maïesté. Côme elle a des  
graces incroyables, voire extraor-  
dinaïres, pour gangner le cœur des  
hommes: luy auoir parlé, puis faiēt  
congnoistre avec la resolution de  
son dessein, la grandeur de ses for-  
ges, & le nul espoir qu'il deuoit auoir  
en son Maïstre: fit en sorte, que  
peu apres qu'il fut retourné à ses  
compagnons, ils capitulerent pour  
sortir, vie, bagues & armes sauues,  
enseignes desployées, tambours ba-  
nans, & qu'ils emmeneroient le tiers  
de l'Artillerie, s'ils n'estoient secou-  
rus dans dix iours. Lesquels expirez  
sans autre secours, leur fut permis  
l'en sortir suyuant la capitulatiō, &  
en tirer trois pieces. Mōseigneur le  
Comte de Soissons, aduertiy apres  
la reddition du fort, que le Duc ve-  
nant de la Tarantaise, s'auançoit  
avec le gros de son armée, pour se-

courir les assiegez : r'assembla les troupes, resolu de l'aller trouuer, le releuer de peine de passer outre, & le combattre s'il ozoit hazarder la iournée. Mais il fut plustost aduertty de sa retraicte, que de son acheminement. Et n'eust on depuis autres nouuelles de luy, que par le troppette qu'il enuoyoit à quelqu'un, le prier de persuader le Roy d'entrer en quelque traité de paix. Ce que le Seigneur fidelle & bien aduisé, réuoya soudain à sa Majesté: disant tout haut que ce n'estoit à luy à y apporter autre chose, qu'une simple & deuë obeïssance à ses commâdements.

Pendant ceste guerre & notamment sur ce siege, grand nombre de Seigneurs, Officiers, Gentils-hommes, Capitaines, soldats & autres François, que d'une que d'autre religion, furent à Genesue. Aucuns  
pour



pour s'accômoder, autres par curiosité. Mesmes plusieurs Catholiques Romains, furent aux presches. Qui pour y apprendre, qui pour en rapporter matiere d'entretien cômune. Le reste pour autres occasions & en aussi diuerses, qu'estoient differens les humeurs, dont ils estoient composez. Tous lesquels, bien que par fois si forts, qu'ils eussent peu mettre vne ville tant enuieée & si aintiue en alarme, voire sur ses murdes descouuertes, pour tant de guerriers forains, qui furēt vn iour ombrez à douze cens cheuaux: portoitent toutesfois si paisiblement, que comme s'ils n'eussent eu plus qu'un zele & pareille deuotiō; n'en fortoient moins & par fois plus contents, qu'ils ny estoient enuiez. Ce que la diuersité de religiō n'eust permis en autre temps. Ny si mesmes entre nos plus proches de-

*Histoire de la guerre*

uanciers : qui se sont si long temps entrebattus, trahis, tuëz, massâcrez, & plus qu'horriblement pourfuiuis pour se faire perdre les biens, l'honneur, le corps & l'Ame tout ensemble. Sur tout, contre les habitans de ceste ville, qu'ils tenoient pour iurée retraite de leurs plus grands ennemis. Et seule source de toutes les miseres, que le different de religiõ leur auoir apporté. Dont les plus auisez, n'attribuoient moins la cause, au merite du Prince qui se sçait faire aymer des vns, craindre des autres, & autoriser sur tous : qu'à la force du temps, qui peu à peu alentist & insensiblement relâche, les trop chauds & violans boüillõs, des plus estranges passions humaines. Du François mesmement, la naturelle chaleur & deliée humidité duquel, luy causent sa legiereté & promptitude, si grande à se tourner à toutes

ccasions, que si elle luy est par fois  
rejudiciable, faute de iugement à  
conduire, elle luy profite en d'au-  
res accidens : bien que par hazard  
assez souuent & plus que par discre-  
tion & preuoyāce. Les Alinges puis  
pres se rēdit à cōposition. C'estoit  
un fort esleué prez Tournon le lōg  
lulac, auquel le Duc auoit garni-  
on.

Comme si chaude, tant heureu-  
se & non accoustumée pour suite  
de guerre, ne se pouuoit faire sans  
diuersement affectionner, non ces  
Princes seulement : ains aussi tous  
leurs voisins & autres qui pour di-  
uers & recelez respects, pouuoient  
estre interressez à compatir aux eue-  
nemens de ceste guerre : les Repu-  
blicques & Potentats d'Italie, se  
oyans les plus prochains & pre-  
miers esueillez au nouueau son  
de tant de bombardes, se for-

moient diuers discours sur les euenemens de si douteuses entreprin-  
fes. Car, comme des plus notables  
accidens inopinez, qui produisent  
plus haut effet qu'on ne s'est ima-  
giné: les euenemens desplaisent &  
occasionent les personnes d'en re-  
chercher, puis reprendre, & en fin  
condamner avec la source, les pro-  
grets & yssuë d'iceux: n'ayans agrea-  
ble les heureux succez de l'un, non  
plus q̃ les infortunez desseins de l'au-  
tre: ils auoient dès le commence-  
ment desiré, que les premiers traits  
n'en feussent ny veuz, ny ouys, &  
moins senty dedans l'Italie. Affin  
de n'estre troublez, au doux repos,  
auquel depuis cent ans, ils s'estoiēt  
iusques icy entretenuz. Mais des-  
pourueuz d'apparentes occasions,  
& peut estre de moyens & d'autho-  
rité, d'y entamer les propos d'une  
paix: eurent tous recours au Pape

pour cest effect. Tant pour la charge qu'il auoit autrefois pris de les accorder: que pour la consideration de la qualité qu'il a dès long temps porté de l'un des plus grands Princes seculiers de l'Italie: & pour l'autorité que sa charge Ecclesiastique luy donne entre ceux, au bien desquels il desiroit trauailler.

*Les Princes & Republiques d'Italie s'adressent au Pape pour moyenner vne paix entre ces Princes Forains, & destourner de l'Italie ces trop violentes chaleurs guerrieres.*

De fait, pour ne dementir le devoir de sa charge, embrassant vne si belle occasiõ, de faire paroistre son bon desir, à faire reconcilier ces Princes tant animez: & voyant que par l'ocasiõ que sa charge Ecclesiastique & dignité de Prince luy donnoient: les moyens qu'il en auoit, y seroient augmentez, par la rencontre d'un mesme desir de tant de Potentats: & croistroient encore le Roy d'Espagne y estoit cõuié: nuoya soudain solliciter. Et eut peu tost, tesmoignage d'un reci-

*Prince & son deuoir à moyenner vne paix entre les Chrestiens.*

proque desir en œuvre si loüable.  
D'autant, qu'ores qu'il eust le corps  
de son estat, assez esloigné d'un pais  
si troublé : il craignoit toutesfois,  
que l'orage de la tempeste n'escla-  
tast au preiudice de son Duché de  
Milan. Aux sieges des places du-  
quel, les Sauoyens sortans de leurs  
forts par capitulation, assignoient  
les victorieux, pour y debattre le  
surplus du bon ou mauuais heur  
qu'ils attendoient en la cōtinuë de  
ceste guerre. Si que le Pape despe-  
cha son Neveu le sieur Pierre Car-  
dinal Aldobrandini, en titre de Cō-  
mis legué de l'Eglise Romaine, Ge-  
neral & Sur-Intédant de l'Estat Ec-  
clesiastic, Legat du Pape & du siege  
Romain vers le Roy & le Duc de  
Sauoye, pour les exhorter à la Paix,  
& repos general dela Chrestienté.  
Lequel s'estre adressé premieremēt  
au Duc, qu'il y vit assez enclin; mais

occasionné pl<sup>9</sup> que desirieux d'icelle:  
prit les S<sup>rs</sup>. François d'Arconas Cō-  
te de Touzaine, Conseiller d'Estat;  
& René de Luzinge Sieur des Ali-  
mes, Conseiller d'Estat, & premier  
Maistre d'hostel du Duc: lesquels ce  
Prince luy donna pour Deputez, de  
son Altesse. Auec eux fut trouuer sa  
Majesté à Chambery, où dez le 26.  
Nouembre elle auoit choisy entre  
ceux de son Conseil, pour l'entrete-  
nir & respondre à ce qu'il propose-  
roit, Messire Nicolas Brulard Con-  
seiller en son Cōseil d'Estat, & Am-  
bassadeur à Rome. Et Messire Pier-  
re Ieanin, Seigneur de Nauieu, Che-  
ualier, Conseiller en son Conseil  
d'Estat, & President en sa Cour de  
Parlement en Bourgongne, dignes  
& renommés Conseillers de sa Ma-  
jesté. Mais aussi tost qu'apres la red-  
dition du fort Saincte Catherine, le  
Roy se fut acheminé à Lyon, pour

*Histoire de la guerre*

voir la Royne y nouvellement arri-  
uée d'Italie : le fit prier de s'y trans-  
porter. Où le traicté de paix treuvé  
agreable par sa Majesté, fut debatü  
& cōtinué pour l'espace d'un mois,  
iusques à ce que le Sieur Cardi-  
nal le rompit: Aussi tost qu'il sçeust  
que le fort auoit esté la nuit deuant  
desmoly, par l'importunée diligen-  
ce des Geneuois, sur la gorge des-  
quels ils disoient, que le Duc sem-  
bloit auoir la pointe de son espée  
eslançee, pour les acheuer au pre-  
mier loisir. Tellement, que le Roy  
prenant cela pour nouvelle ouuer-  
ture de guerre: liçentia son armée à  
toutes voyes d'hostillité. Commā-  
dant aux Chefs, de se tenir sur les ar-  
mes, pour se deffendre & offencer,  
selon que les occasions & moyens  
s'en presenteroiēt. Permit mesmes  
aux Geneuois, d'acheuer la ruine &  
demolition du fort encommen-  
cez.



gée. Ce qu'ils firent avec telle & si animée diligence, qu'à peine on eust sceu reconnoistre au lendemain la forme, ny la premiere trace qu'on luy auoit donné. Surquoy tous tenants la paix desesperée: & se formans nouvelles entreprises sur entreprises: chacun mesme iugeant, que le Roy tres-Chrestien ne se proposerait sur si beaux aduantages: vn seul ne parloit plus que de fourbir l'arnois, dresser cheuaux, chercher deniers, & se preparer de toutes parts à nouvelle guerre. Quand Monsieur de Rosny, comme pouffé d'un violent, bien que secret nouuement, à finir ainsi qu'il auoit commencé les preparatifs de ceste guerre: s'en alla voir, sans autre occasion que d'un volontaire respect, Monsieur le Cardinal, afin de luy rendre à Dieu deuât qu'il partist pour l'alie. Mais se voyant de nouveau

*Propos de  
paix rompiu  
pourquoy par  
qui, comme  
repris & par  
qui continué:*

arraisonné par luy, sur la rupture de ceste paix: Puis dextrement remis en la suite des premiers propos d'icelle: & en fin lemons, d'asseurer le Roy de son bon desir; à la reprise du premier traicté: en aduertist sa Majesté. Laquelle prenant le denoir de Roy, l'exemple de ses deuâciers, & le desir à s'employer en choses plus hautes, plus profitables & assurées, que la petitesse de ces sterilles & trop glissantes montagnes, pour plus apparentes occasions à y consentir: se resolut aussi tost, d'y faire voir vn tesmoignage de vertu exemplaire, à tous siecles présent & aduenir.

Car cōme celuy, qui s'estant dès sa ieunesse égalementroidy au bien & au mal: ne s'est iusques icy, ny plus ny moins esleué aux faueurs qu'aux aduersitez mondaines: y mesprisal'aduis de plusieurs, & les

desus mesme de ceux qui le croy-  
oient vouloir profiter si beaux ad-  
uantages, pour faire premierement  
congnoistre, que la magnanimité  
d'un vray Roy, ne dependoit moins  
d'une liberale clemence, à preuenir  
par bien faits l'affection de ses en-  
nemis, qui le recherchent d'amitié,  
qu'à les ruyner, quand ils se froissent  
heurtans la mal-mesurée valeur de  
ses forces. Faisant d'ailleurs estat, que  
si ce deuoir de vray Roy est com-  
mun à tous, l'honneur de si rare cle-  
mence luy seroit d'autant plus par-  
ticulier sur tous autres, que pour se  
monstrer par genereux effects, le  
Tres-Chrestien, le premier né &  
plus ancien Roy de l'Eglise Chre-  
stiëne, il se faisoit signaler par si ex-  
traordinaire liberalité royale, en fa-  
ueur du repos general qu'il procu-  
roit à toute la Chrestienté.

A quoy ne l'eslança moins la ver-

Exemples  
poussent les  
cœurs gene-  
reux à belles  
& hautes en-  
treprises.

tuëuse emulation de ses predeces-  
seurs. En ce que, comme l'exemple  
du Roy François premier, luy auoit  
esté l'un des eguillons pour le pouf-  
ser à ceste conqueste: aussi prenant  
plaisir d'ensuiure la debonnaireté  
du Roy Henry 2. quand il tira le  
Pere de ce Duc, de la poussiere d'Es-  
pagne en laquelle il viuoit enseue-  
ly, pour le rendre Duc de Sauoye  
& Prince de Piedmont: Iugea ne  
pouuoir moins, que d'esgaler le pe-  
re en valeur, le fils en liberalité, &  
les surmonter tous deux, tant en  
soudaineté de conqueste, qu'en frâ-  
che & nullement occasionnée libe-  
ralité. Donnant à son ennemy, à la  
priere de tant de Princes Chrestiens,  
ce dont il l'auoit, avec autant de va-  
leur que de iustice, despouillé con-  
tre l'esper de tous ses voisins & al-  
liez.

Mais ce Prince, tousiours assisté

de faueurs celestes. Qui d'ailleurs, approche plus de la température & condition requise à ce grand Roy: des accomplies vertus duquel, les anciens ont mieux discouru, que treuué les vrays effects d'icelle: ne cherche tant son particulier que le bien de son estat, pour le releuer & peu à peu auancer sur le PLUS OVERTRE de ses voisins: Iugea luy estre plus expedient, de retrancher par vne assurée paix, les beaux, mais souuent mal-heureux & tousiours incertains desseins de ses pretentiōs Italiēnes. Affin de mesnager, accroistre, & par occasions employer ses moyens, à recueillir les membres separez de son Royaume: & les vnir en fin à l'ancienne estendue de la Monarchie des François.

Telles, & autres plus particulieres considerations, iudicieusement balancées: luy furent occasions, de

renvoyer aussi tost Monsieur de Rosny, avec charge d'arrester & conclure la paix sur les causes, ains, & moyens qu'il luy en voulut descouvrir, & de laquelle les articles furent tels.

P R E M I E R A R T I C L E D E L A  
*Paix accordée entre sa Maïesté Tres-  
Chrestienne & le Duc de Sauoye, le  
17. Iannier à Lyon, 1601.*

**Q**U E ledict Sieur Duc, cedde, transporte & delaisse audict Sieur Roy & à ses successeurs Roys de Frâce, tous les païs & seigneuries de Bresse, Baugé & Veroney: Et generallyment, tout ce qui luy peut appartenir, iusques à la riuere du Rosne, icelle comprise. De sorte, que toute ladite riuere du Rosne, dès la sortie de Genesue, sera du Royaume de France, & apparten-

dra audict Sieur Roy & ses successeurs. Et sont lesdicts pais ceddez ainsi que dessus, avec toutes leurs appartenances & deppendances, tant en Souueraineté, Iustice, Seigneurie, vassaux & subieets: & tous droicts, noms, raisons & actions quelconques, qui pourront appartenir audict sieur Duc, esdicts pais ou à cause d'iceux, sans y rien reseruer. Sinon, que pour la commodité du passage, demeurera audict sieur Duc, le pont du Gresin sur ladite riuiere du Rosne, entre l'Eglise & le pont d'Arle. Qui par le present traité appartiendront audit sieur Roy. Et par delà le Rosne, demeurent encor audict sieur Duc les parroisses, du Lez, Latieran & Chezay, avec tous les hameaux & territoires qui en dependent entre la riuiere de Vacerones, & le long de la montagne appelée le Grand Credo, ius-

*Histoire de la guerre*

ques au lieu appellé la Riuieré. Et  
passée ladicte riuieré de Vazerones,  
demeure encor audict sieur Duc, le  
lieu de Maingre, Combes, iusques  
à l'entrée plus proche pour aller &  
passer au Comté de Bourgongne.  
A condition toutesfois, que ledict  
Sieur Duc, ne pourra mettre ny le-  
uer aucunes impositions, sur les dé-  
rées & marchandises. Ny aucun  
peage sur la Riuieré pour le passa-  
ge du pōt de Grezin, & autres lieux  
cy dessus designez. Et en tout ce  
qui est reserué pour ledict passage,  
& tout le lōg de la riuieré du Ro-  
ne, ledit sieur Duc ne pourra tenir  
ou bastir aucun fort. Et demeurera  
le passage libre par ledict pont de  
Grezin, & en tout ce qui est reser-  
ué, tant pour les suiets dudit sieur  
Roy, que pour tous autres, qui vou-  
dront aller & venir en France. Sans  
qu'il leur soit donné destourbier,  
mo-



molesté ny empeschement. Passans neantmoins gens de guerre pour le seruice dudit sieur Duc, ou autres Princes, ne pourront entrer ez pais & terres dudit Sieur Roy, sans sa permission ou de ses Gouverneurs & Lieutenans Generaux. Et ne donneront aucune incommodité aux subjets de sa Majesté.

## II.

Et pour effectuer entierement ce que dessus, ledit sieur Duc remettra en la puissance du Sieur Roy, ou de celuy qui sera cõmis par sa. Majesté, la Citadelle de Bourg, en l'estat qu'elle est, sans y rien desmolir, affoiblir ny endommager. Avec toute l'Artillerie, poudres & munitiõs qui seront dedans ladite place, lors qu'elle sera remise.

## III.

Et outre a esté accordé, que ledit sieur Duc, cede aussi, transporte

## *Histoire de la guerre*

& delaisse audict Sieur Roy, de delà la riuere du Rosne, les lieux, terres & villages Dayre, Chaussy, Pont Darle, Seyssel, Chaua & P. Chastel, avec la souueraineté, Iustice, Seigneurie & tous droicts qu'il peut auoir esdicts lieux cedez, & sur les habitans d'iceux. Sans y comprendre le surplus des mandemens desdits lieux & de leur territoire.

### III.

Ledit Duc, cedde & transporte & delaisse audit Sieur Roy, la Barōnie, ou Bailliage de Getz, avec toutes ses appartenāces & deppendances: Ainsi que ledict Sieur Duc, & ses predecesseurs en ont cy deuant iouy. Et sans y rien rescruer ny retenir, sinon ce qui est de delà le Rosne. Hormis les villages & lieux Daïre, Chaussy, Annully specifiez cy dessus. Le tout à condition, que lesdites choses cedées, seront & de-

meurerōt vnies & incorporées à la Couronne de France; & seront reputez domaine & patrimoine de la Couronne, & n'en pourront estre separées pour occasion que ce soit. Ains tiendront lieu & pareille nature, que les choses eschangées, qui seront declarées cy apres.

## V.

Aussi est conuenu, que ledit sieur Duc, rendra & restituera effectuellement & de bōne foy, audit Sieur Roy, ou à celuy ou ceux qui seront à ce commis par sa Majesté, le lieu, valeur & Chastellenie de Chasteau-Dauphin. Auec la tour du Pont, & tout ce qui est occupé par ledict sieur Duc, ou par les siens dependant du Dauphiné, en l'estat qu'il est à présent: Sans y rien desmolir, affoiblir ny endommager en aucune sorte. Et delaissera toute l'Artillerie, poudres, boulets & autres mu-

*Histoire de la guerre*

nitiōs de guerre, qui se trouueront dans lesdictes places au temps present. Pourront neantmoins les soldats, gens de guerre & autres qui fortiront desdictes places, faire emporter tous leurs biens meubles à eux appartenans. Sans qu'il leur soit loisible, de rien exiger des habitans desdictes places ou plat pais, ny en oster aucune chose appartenās ausdicts habitans.

VI.

A esté aussi accordé, que ledict Sieur, fera abattre & desmolir entierement, le fort de Beche Dauphin qui a esté cōstruit pēdant les guerres. Et fera payer ledict sieur Duc pour le passage cy dessus reserué, la somme de cent mil escus; de trois francs pièce monnoye de France. Ou la valeur, en ceste ville de Lyon, à celuy ou ceux qui auront charge de sa Majesté,

## VII.

Et moyennant lesdictes cession & transports, & toute l'artillerie, poudres & munitions cōquises, qui demeurerōt entieremēt à sa Majesté: Et moyennant aussi tout ce que dessus est dit, lediēt Sieur Roy se contente pour le bien de paix, de laisser & trāsporter audit sieur Duc, comme par ces presentes sa Majesté luy cedde, transporte & delaisse à ses heritiers & successeurs, tous les droits, noms, raisons & actions, & generalemēt tout ce qui peut estre pretēdu par les Roys & Dauphins de Frāçe, à cause du Marquisat de Saluces, ses appartenances & deppendances, ensemble sur les places de Cental, de Mōr & Roques Paruiere, sans en rien retenir ny reseruer. Et a lediēt Sieur Roy, quitté & remis audit sieur Duc, toute l'artillerie & munitions qui sont trouuez

*Histoire de la guerre*  
en lefdites places du Marquisat de  
Saluces & Sau. en 1588.

VIII.

Promet auffi ledi&ct Sieur Roy,  
faire rendre & restitu&er audi&ct sieur  
Duc, effectuellement & de bonne  
foy, ou à celuy ou ceux qui auront  
charge de luy, tous les païs, places  
& lieux qui se trouueront auoir esté  
faïfies & occup&ées depuis l'an 1588.  
sur ledi&ct Duc. Et qui sont à present  
pos&edez par sa Majesté ou par ses  
seruiteurs. Le tout en l'estat que les-  
dicts lieux sont à present. Sans y ri&e  
desmolir, affoiblir, ny endomma-  
ger en aucune sorte.

IX.

Restitu&ant lesdictes places, pour-  
ra ledi&ct Sieur Roy transporter tou-  
te l'artillerie, poudres, boulets, ar-  
mes & autres munitions de guerre  
qui se trouueront esdictes places  
au temps de la restitution. Pourr&ot

aussi lesdicts soldats, gens de guerre & autres qui sortiront desdictes places, faire emporter leurs biens meubles à eux appartenans. Sans qu'il leur soit loisible de rien exiger desdits habitans desdites places ou plat païs, y emporter aucune chose appartenant ausdits habitans.

## X.

Et se fera ladicte restitution de part & d'autre, ainsi qu'il s'ensuit. C'est à sçauoir, aussi tost que les ratifications du present traité auront estéourniës, ledict sieur Duc fera remettre en la puissance dudit sieur Roy, ou de celuy ou ceux qui auront charge de sa Majesté, la Citadelle de Bourg, avec l'Artillerie, poudres, boulets & toutes lesdites munitions de guerre qui seront dedans lesdites places. Et ladite restitution faicte, ledit Sieur Roy fera aussi restitüer les Villes, Chasteaux

*Histoire de la guerre*

de Chambéry & Montmelian audit sieur Duc. Lequel incontinent apres, fera rendre le Chasteau Dauphin, & tout ce qui en depend; cōme dessus est dit. Et fera desmolir le fort de Beche-Dauphin. Lesquelles choses estant effectuellement accomplies par ledit sieur Duc, la Vallée & Vicariat de Baccolonnite, & de toutes les autres places & lieux promis par ledit present Traité, luy seront entierement rendus dans vn mois apres. Et luy sera donné seureté raisonnable à son contentement.

XI.

Tous les papiers & enseignements qui peuuent seruir pour iustifier les droicts des choses eschangées, seront rendus & deliurez de bonne foy, tant d'un costé que d'autre.

XII.

Ledit



Lediect Sieur Roy, ne sera tenu à l'entretènement des dons, recompenses & assignations, cy deuât données par lediect sieur Duc ou ses predecesseurs, sur les terres & Seigneuries par luy cedées à sa Majesté. Ny d'acquiter les ypotecques qu'il a créé sur icelle. Et pour le regard des ventes & alienations, faites à tiltre onereux par la forme ordinaire, & avec la verification requise, auant ceste derniere guerre, la Majesté y sera obligée, tout ainsi que lediect sieur Duc auroit esté, & non plus auant. Le semblable sera obserué, pour les dons, recompences & alienations faites, sur les choses cedées par sa Majesté.

## XIII.

En consequence dequoy, & de ce qui a esté accordé par le traicté de Veruins, y aura paix du iour & date de ce present traicté; ferme

Q

*Histoire de la guerre*

amitié & voisinance entre ledict  
Sieur Roy, & ledit sieur Duc : leurs  
enfans nez & à naistre, leurs heri-  
tiers & successeurs au Royaume,  
païs & subiects. Sans qu'ils puissent  
faire entreprise au dōmage de l'un  
l'autre : leurs païs & subiects pour  
quelque cause ou pretexte que ce  
soit. Et sera le cōmerce libre entre  
les subiects & païs de l'un & l'autre  
Prince : en payāt les droits & impo-  
sitions, qui doiuent estre payez par  
les propres subiets du païs.

XIII.

Les subiets de l'une & l'autre part,  
tant ecclesiastiques & seculiers : no-  
n obstant qu'ils ayent seruy en party  
contraire : rentreront paisiblement  
en la iouissance de tous & chacun  
leurs biens, offices & benefices. Sui-  
uant ce qui est contenu par le 7. ar-  
ticle dudit traicté de Veruins. Sans  
que cela puisse estre entendu, des

gouuernemens.

## XV.

Tous prisonniers de guerre & autres, qui à l'occasion des guerres sont detenus de part & d'autre, seront mis en liberté. En payant leur despençe, & ce qu'ils pourroient d'ailleurs iustement deuoir. Sans estre tenuz de payer aucune rançon, sinon qu'ils en ayent conuenu. Et s'il y a plainte de l'excez d'icelle, en sera ordonné par le Prince, au païs duquel les prisonniers sont detenez.

## XVI.

Tous autres prisonniers, subiets dudit sieur Roy, & dudit Sieur Duc; mesme du Marquisat de Saluces, & autres lieux cedez, qui par la calamité des guerres, pourroient estre detenuz ez galleres desdicts Princes, seront promptement deliurez & mis en liberté. Sans qu'on

leur puisse demander aucune chose pour leurs rançons, ny pour leur despence.

XVII.

Toutes procédures, iugemens & arrests donnez depuis l'année 1588. avec les subiects du Marquisat de Saluces, & autres lieux cedez par ledict Sieur Roy, & depuis ces dernieres guerres par les Iuges & Conseillers ordonnez en Sauoye, Bresse & autres lieux conquis par sa Maieité, tiendront & sortiront leur plain & entier effet. Sauf aux parties, de se pouirvoir contre lefdicts iugemens par les voyes de droit, en cas qu'elles ayent comparu ou contesté volontairement. Mais si lefdicts iugemens, auoient esté donnez sans comparution ou contention volontaire de la partie: ils seront & demeureront nuls & de nul effet, & comme non aduenuz. Et quand aux in-

stances indecises & non iugées: la congnoissance en demeurera aux Officiers desdictes Prouinces, auxquels elle doit appartenir.

## XVIII.

Les habitans, & subiets des lieux & pais eschangez par le present traité, ne pourront estre molestez ny recerchez en aucune maniere, pour auoir seruy en party contraire, ou pour cause que ce soit, à l'occasion des guerres passées. Ains retourneront plainemēt, en la possession & iouissance de tous & chacuns leurs biens, droicts, priuileges & immunitiez, & de tous leurs biens meubles qui se trouueront en nature. Et leur sera loisible, de demeurer ou se retirer ailleurs ou bon leur semblera. Pourront neantmoins iceux iouyr de leurs biens: ou iceux vendre, ou eschanger ou disposer, cōme ils verront bō estre, pour leur

*Histoire de la guerre*  
commodité.

XIX.

Et pour le regard des habitás du Marquisat de Saluces, & autres lieux cedez par ledict sieur Roy , qui n'auront iouy de leurs biens depuis le traicté de paix fait à Veruins: leur seront renduz, les fruits de leurs immeubles & arrerages des rentes depuis la publication dudit traicté de Veruins, iusques au commencement de la derniere guerre. Et quand aux Officiers de Saluces & autres, qui ont seruy en Piedmont les Rois de France: ils iouront des priuileges, immunitéz & exemptions qui leur ont esté accordez , par autres traictéz cy deuant faicts, par les Roys Charles 9. & Héry 3. avec le feu Duc de Sauoye, & depuis confermez par ledict sieur Duc qui est à present.

XX.

Promet aussi ledict sieur Duc, que tous les Officiers & autres de Saluces & lieux cedez par ledict Sieur Roy, ne seront molestez, recherchez ny inquietez, directement ou indirectement, en aucune maniere, à l'occasiõ des guerres & differents passez entre sa Majesté & ledict sieur Duc. Ains seront maintenez, en leur liberté & franchises pour iouyr de leurs biens paisiblement, en tout repos & liberté. Et pour les charges & impositions du pais, ne serõt surchargez. Mais plustost soulagez & fauorablemēt traitez, pour la recommandation de sa Majesté. Et de ce baillera ledit sieur Duc, ses lettres patentes en bonne & vallable forme.

## XXI.

Les Collateurs ordinaires subiets de sa Majesté, qui ont benefices à leur collation dans le pais dudit

sieur Duc, pourront conferer lesdicts benefices quand le cas escherra. Et ceux qui seront bien & canoniquement pourueuz, iouïront du reuenu de leurs benefices. Sans qu'il leur soit donné moleste ny empeschement. Le semblable sera aussi obserué, en la iouyssance des benefices qui sont en France, encor que le tiltre du Collateur fust situé dans le pais dudit sieur Duc.

XXII.

Et sont reseruez audit sieur Roy, tous les droicts par luy pretenduz contre ledict sieur Duc. Suyuant ce qui est contenu, par les traictez faits à Chasteau Cambresis en 1559. & Turin 1574.

XXIII.

Et pour ce que Monsieur le Duc de Nemours & de Geneuois, qui souloit auoir & posseder toutes les terres, tailles & droits, deppendans  
de



de son appannage, dans la souueraineté dudit sieur Duc: les aura doresnauant à cause du present traité, sous l'un & sous l'autre Prince. Sa Majesté & ledict Duc, ont promis respectiuenient, de le traiter fauorablement, & cōme leur bon parent. Et ne contreuenir ny desroger aux droits & auctoritez, qui sont de son appannage: l'en laissant iouyr paisiblement, conformément au traité de sondict appannage. Et en outre ont consenty & accordé, si quelque different aduenoit cy apres pour raison dudit appannage, de le faire terminer sommairement à l'amiable & sans procez.

*Pour cognoistre les droits de la maison de Nemours sur la Sauoye, voyez ce que ie dis au commencement du Discours parlant des prétensions des Rois de France & des Ducs de Sauoye sur ledit pays.*

## XXIII.

Et sur l'instance & priere faicte, par ledit sieur Legat au nom du Pape: a esté conuenu, que toutes les forces treuüées & assemblées pour ceste derniere guerre: seront sepa-

rées & licentiées tant en France qu'en Italie, dans vn mois apres la publication du present Traicté. Affin, qu'un chacun puisse iouyr de la paix generale: & du repos stipulé & promis par le traité de Veruins. Lequel est cōfirmé en tous ses points. Sinon en ce, qui y feroit changé, ou expressement desrogé par le present traicté.

XXV.

Et pour plus grande seureté de ce present traité, & de tous les points & articles contenuz: sera ledict Traicté verifié, publié & enregistré en la Court de Parlemement de Paris, & en tous autres Parlemens de France, & Chambre des Comtes de Paris. Comme au semblable, il sera verifié au Senat de Chambery, & Senat de Turin, & autres lieux accoustumez. Et y seront baillees les expéditions de part & d'au-

tre, trois mois apres la publicatiõ  
du present Traité.

## XXVI.

Lesquels points & articles cy dessus compris, & tout le contenu en chacun d'iceux: ont esté traitez, accordez, passez & stipulez entre lesdicts Deputez és noms que dessus. Lesquels en vertu de leur pouuoir, ont promis & promettent, sous l'obligation de tous & chacuns les biens presens & aduenir de leursdits maistres, qu'ils seront par iceux inuiolablement obseruez & accõplis. Et outre, promettent fournir les vns aux autres, lettres de ratification autentiques, signées & sellées. Esquelles tout ce present traité sera inferé, & ce dedás vn mois du iour & datte de ces presentes. Et outre, iureront solemnellemēt sadite Majesté & ledict sieur Duc, en presence de tels qu'il leur plaira deputer:

*Histoire de la guerre*

d'observer & accomplir plainemēt  
& de bonne foy, le contenu esdicts  
articles. En tesmoin desquelles cho-  
ses, ledit sieur Legat & lesdicts De-  
putez, ont signé & souscript de  
leurs noms, le present traité à Lyon  
le 17. Ianuier 1601. Signé P. Cardina-  
lis Aldobrádini, Legatus. Brullard  
de Sillery. P. Ieanin. Francesco  
Arconato, & De Luzinge Sieur  
des Alimes.

**E**llement qu'apres les condi-  
tions accordées & signées à  
Lyō, le 17. Ianuier 1601. par la Maje-  
ste; & le sieur Cardinal, attendant le  
retour des Deputez du Duc, auquel  
ils les porterēt signer: le Roy celebra  
en toutes sortes de magnificēces, le  
mariage d'entre sa Majesté, & la  
Serenissime Marie de Medici,  
niepce de Dom Ferdinand de Me-  
dici, Grand Duc de Toscane. Puis

le Roy, supplié tant par les suiets du Duc, que par plusieurs des siens, de publier la paix ainsi arrestée : defendre tous actes d'ostilité & ouurir le cōmerce par tous les païs de leur obeissance : fit vne declaration sur le traité de paix, le 20. Ianuier. Qu'il voulut estre publiée le 14. Mars 1601, portât. Que le Pape par l'entremise du sieur Cardinal Aldobradini son nepueu & Légat, auoit cōposé tous les differens motifs de la guerre cōmençée l'an dernier entre sa Majesté & le Duc de Sauoye. Et qu'elle vouloit à l'aduenir, viure en bonne paix & amitié avec luy, suiuant le Traicté de paix faict en la ville de Veruin, le 2. May 1598, entre sadicte Majesté, & le Roy d'Espagne. Defend tous actes d'ostilité, dans les païs & contre les subiects d'iceluy, pour quelque cause & pretexte que ce soit. Enioint à tous ses subiets &

*Histoire de la guerre*

autres, de garder ladicte paix, sans y contreuenir directement ou indirectement, en quelque sorte que ce soit: à peine d'estre punis comme infraçteurs de Paix & desobeissâs. à ses commandemens. Permettant en outre, tant à ses suieçts qu'à ceux dudit Duc, de commercer en toute franchise & seureté, comme auparavant la guerre. Ce faiçt, le Roy s'asseurât que le Duc luy renuoyeroit dans le temps prefix, les articles signez, s'en alla à Paris, y menant la Royne. Où neantmoins il ne reçeut que sur la fin de Mars, la resolution du Duc, qui l'auoit iusques à ce iour entretenu de diuerses excuses.

F I N.

## *Extraict du Priuilege.*

**P**Ar grace & Priuilege du Roy, il est permis à Claude de Montr'œil, Marchant Libraire en l'Vniuersité de Paris, d'imprimer ou faire imprimer, & exposer en vête vn liure intitulé, *L'Histoire de la guerre de sauoye, faicte par Lançelot du Voisin, Escuyer sieur de la Popelliniere.* Et sont faictes defences à tous Libraires & Imprimeurs, d'imprimer, ou faire imprimer, vendre ny distribuer ledict liure d'autre impression que de celle dudiect de Montr'œil, & ce iusques au temps & terme de six ans finis & accomplis, sur peine de confiscation desdits liures par eux imprimez & vèdus, & de quatre cents escus d'amende. Voulant en outre que mettant au commencement ou à la fin de chacun desdicts liures, l'Extraict dudiect Priuilege, il soit tenu pour signifié & venu à la congnouissance de tous, comme plus amplement est declaré audiect Priuilege. Donnée à Paris, le 12. iour de May 1601.

Signé,

DE LAVETZ.

